



遠遊篇卷十一

莆田周嬰方叔著

啓

賀葉少師赴召二首為徐令公作

斗運帝車紫極正六符之氣露溥仙掌璇霄澄八表  
之氛追鋒副側席之思納陛慰臨軒之眷雲旂啓路  
脂牽馳誠閣下道光金鉉神表玉璜王佐有才煉石  
奏補天之績帝師纂範披圖抒浴日之猷光輔神  
祖以十年茂致太平於千載調風偃海玉燭登年尉  
府候官金甌闢國珥躔黃氣赤烏知台袞之忠呂切

青雲白雉奉越裳之貢。自四序之成功。言返而百年之厝火漸燃。戎羯夜奔。烽火照井泉之北。胡笳晨沸。鼓聲聞易水之南。迹遠滄洲。丹心懸于魏闕。計安社稷。明德格于皇天。是以城朔采薇。孺子賴周公之佐。侵方匪茹。中興資張仲之謨。爰趣宗臣。亟還元宰。燕雲路繞。奉鶴詔以星言。京邑情深。望龍樓于日下。雨師洒道。激佳氣于千山。風伯前驅。戒炎精于九夏。其無能扶轂。未效執鞭。遙瞻朗潤于中台。敬想輝光于上路。伏候翼宣天緯。紫庭挾雲鳳之歌。整頓神州。青丘偃屈。禽之繳勳。岳寶鼎雲臺。慙佐命之名。盟懿駢旌。麟閣冠圖。示之寵。

賀史新蒞

龍樓錫命。九天符夢。傳之占鵲。印飛祥四海。仰舉元之美。徽章崇于典冊。慶愜溢于邊封。命世挺生。應期間出。滄瀛如帶。資浮載之洪才。霜露所均。體中和之秀德。表人倫于函夏。久揚洙泗之波。整緯曜于混元。早結臯菜之轍心。彌貞于匪石。朝取正以斷金。望峻黃扉。爰酌三階之氣。眷留玉几。方毗六尺之弧。肆命而效阿衡。紐地維于殷甲。披圖而負孺子。匡天步于周年。正是國人會車書之一統。保茲天子揭日月



以重華鳩鵲殿寒便赴臨軒之命麒麟閣曉即看列  
象之榮某偶膺銅篆之司欣觀金甌之下咸池浴日  
遊鱗泳而知歡大厦連雲弱翎栖而共賀謹馳赤憤  
恭上丹牋所願寶祚遐融槐鼎與南山等峻王猷長  
煥柏梁將北極同尊

賀王虔院晉南少司馬之良華陰人

荆粵盤錯之區元帥奏蕩平之烈留京根本之地貳  
卿持征伐之權聚甲薄違書稱圻父進賢建牧禮立  
夏宮慰江介之具瞻合域中以胥慶恭惟粹稟巨靈  
精儲少華天貺帝王之聖佐手鈞玉璜神開忠孝之

倫侯懷探金紐揚歷中外非徒螭文彈治之功綏靜  
華戎立有鼇足鈎連績威弘不控天吳木客之驚  
魂齋鉞徂征赤髀橫髀之破膽西循五水城號受俘  
南起六亭渠皆輸帑論功書之年表策猶蘊乎六竒  
考績入于歲成武蓋全乎七德遠則齊徽於諸葛邇  
真爭烈于陽明是以入贊中樞並叅王務典司九伐  
刑猾夏負固以甲兵表正百官歸介胄縉紳於刀尺  
整武事而能附衆毗皇家而茂建勳應知納陛延升  
綸扉燮理銅盤盟錫稱一代之宗臣寶鼎銘岳號千  
秋之名世嬰初從操割遽蒙識治之褒偶詰戎兵又



荷建威之譽。適肩弩矢。欣聞朱鷺之歌。側立戈船。快  
觀玉麟之瑞。楚山鬱術。鳧飛翼滯於雲。嚮水朝宗。  
燕賀情深於波路。

迎林虔院

九天申命。緗綸騰金鵲之光。萬里升榮。黃鉞肅玉麟  
之瑞。輝生榆社。喜溢荆封。嶺樹千層。帶秋聲而北。溪  
江雲五色。凝朝氣而東瞻。臺下家承夾鹿。世禮雕龍。  
高名依日月之光。長才蘊風雲之氣。踐馭世路。祥鸞  
之舉。居多拯救。橫流截鰲之功。相半忠既昭於楓籩。  
秩乃峻於蘭臺。天遺帝師。繇果徵於非虎。野分星翼。

光爰發於為龍。三江七澤之奧。區五嶺八閩之錯。壤  
竒相。大容鼎物。間見興妖。赤髀橫駮。盤瓠未全。厥角  
牙旗初廷。六韜颺振于八紘。幕府方開。一劍霜寒于  
四履。紵見澄清。楚粵葱珩有瑿。綏動華戎。威弧不控。  
疇庸極峻。平踐職于三階。紀績彌高。早荷綸于九錫。  
某偶司下邑。慙縮綬之徒勞。幸戴高旻。慶攝齊之可  
待。天池水運。鵬徙非遙。大厦雲連。雀栖相賀。謹馳迎  
於先路。行述職於前驅。

又

恭惟命世宏才。濟時偉畧。征伐專元帥之任。象應台



階禮樂殿天子之邦時推人傑應方召勤宣之命當  
楚粵盤錯之衝六纛舒旌星斗芒寒於軫野八駟警  
路山川色動於蓐收聲靈已達于三江威命遂馳于  
萬里棠猶勿拜穰陰晝繞龍旗柳畫十圍榮露宵環  
虎帳縉紳均僎祈瞻節下科條介胄爭迎半是軒前  
磬控其羈官百里迎妝未勅於打毬翹首一方侯道  
已嚴於荷殺披青雲而可待占紫氣以非賒亟望龍  
光宣勝鵠鼓

為章嶺北作再迎劉撫院啓

紫庭秉命上台分東井之精玄纛飛揚元帥切西江

之望笑星鶴鼓占氣魚喁恭惟一代偉人千秋名世  
乘馳都輦搜狐隼于城墉建節江區消怪蟲于獄地  
蓋九重不負股肱之寄而四海咸瞻膏澤之施惟茲  
三江守在四境廬九虞鯨鯢之渡豫章憂鴻雁之鳴  
繁弱丁令何日全橐于武庫赤蛟蒼兕彌時備禦于  
陽侯幸借天憲特膺握玉符以彈壓簡書疊奉杖黃  
鉞而指麾聲教暨而伏戎已覺銷氛威稜馳而神奸  
咸先落膽德行如置電光彌動于民瞻志存若神龍  
彩益勤于物睹凡茲介胄之士負弩矢以爭迎豈惟  
耕鑿之氓驛耒鋤而共僎其身留嶺徼職遠戎旃雖



手板之謁有期而心葵之傾難遏。伏惟彤駟上路風生。鳩茲鵲尾之間。玉璫蒞軍。雲護馬當龍沙之外。重馳軍尉。恭迓天旌。

迎郭撫院

寶綸耀日。八紘瞻斗極之光。玉帳連霄。四履變風雲之色。花益繁于壇杏。陰徧縟于陌棠。慶滿江藩。歡殷嶺服。恭惟五緯儲精。二儀間氣。黃蒼架學。淹劭貫於人天。雲漢披章。黼黻光于卿月。幾神明鑒上。匹周姬嚴翼。奇猷後無忠武。從容華貫。讓夷而頻繫地維。揚歷荒途。弘濟而屢康天步。揆既隆于皇鑒。誠彌簡于

帝心。紫馬成勳。晉建詩書之帥。非熊入兆。周升文武之師。西包三楚。斜距三江。封一九而可捷。東睨五湖。南憑五嶺。樹六枳以為籬。即看睿略。逞馳翦脩蛇於敷淺。威稜斜憺。殪封豨於中原。綠紱繡裳。彪炳三階之秩。彤弓朱戶。蟬聯九錫之儀。嬰忝屬舊私。欣逢新綍。天瞻東粵。曷勝燕賀之忱。地切南瀛。恭達魚箋之款。十三州禾黍。方賡長治於金甌。千萬里荆揚。便勒巍勳於寶鼎。

為巡道章公作迎郭撫院啓

文昌握鏡。江區久炙于金相。武庫儲兵。楚服弘開于



玉帳眷茲重地。慶有長城。六符高映于泰階。九錫平  
登于揆席。恭惟江漢儲精。風雲蘊氣。神資敏妙。洪鐘  
一叩而即鳴。天授幾深。連弩應機而俱赴。斗極作列  
星之紐。中朝久掌天樞。廬霍為群嶽之標。南紀獨司  
名教。從容華貫。揚歷清塗。絳節檠霄。六轡變三江之  
俗。朱旗蓋海。九春銷五嶺之氛。天戈迴而幕府方開。  
劍璽寒而轅門初曉。險夷備悉。止頓皆金城湯池。情  
偽盡知。汰營咸投石超距。立看澄清東楚。葱珩有瑤  
綏定中原。戎軒不駕策勳難讓。入翼贊于銅樓。紀績  
彌高。且荷鑿于圭瓚。其階緣氣誼情。荷周旋當日交  
歡。每切同舟之濟。茲辰稟仰。更欣大廈之依。其棠與  
春樹皆頌介胄。將縉紳共。望火精之度嶺。漸見朱  
葉。想仙氣之臨江。遙看紫瑞。恭馳軍吏。肅迓元戎。

為徐令公作賀李太常開府順天

名瑾山西人  
前吏科都士

子浙江副考

憲節摩霄。峻彩冠右臺之望。卿雲生鼎。長城臨朔漠  
之區。功懿琬戈。名光寶鼎。色動冀州之吏士。歡殷魯  
國之諸生。帳下二儀間氣。三晉精英。弘濟長才。世難  
蘊風雲之氣。高名直節。歲寒抱松栢之心。刀尺千官  
向瑣門而拜夕。奉持三禮。施緹扇以象春。既躋石室



遠遊集 卷十一  
之烈光爰總鐵冠之震肅。薊門外護燕丘之植猶青。  
高關依然秦寨之泥更紫。內彈都輦探丸之警忽消。  
西奪陰山鳴鏑之聲已戢。六竒底績石渠書履海之  
勳一劍告成盟府載帶河之誓。其本愧檀樂之質。况  
承括羽之恩厚福惠徼自喜青雲之既附。脩名勉立  
寧容白壁之不為。念綰綬之徒勞。悵摠衣之久曠。負  
風上翥瞻鵬徙之彌遙。托厦高栖豈雀歡之可寫。雲  
中塞樹縮地脉而無因。嶠外海苔望日邊而送款。照  
臨有地鎖仰何階。

為章巡道作迎按院周

栢苑天遙繡豸掌金科之懿。楚江雲近彤駟岳玉式  
之華。簡書將青橐相輝。旌節與皇華並。絢九軍鶴鼓  
萬戶魚。嗚恭惟五雲滌彩。七緯為章。道煥經綸。曾煉  
天邊之石。才殷弘濟。能操川上之舟。開白虎之尊。直  
聲騰于諫草。補黑龍之袞。正色振于規蒲。西臺推繡  
斧之宗。北闕被緗綸之重。出逶遲之周道。代巡狩于  
江區。天當朱鳥之垣。見法星之南指。地控乘鸞之嶺。  
占仙氣之西浮。風采先馳神奸為之震。疊聲靈已暢。  
山岳於焉動搖。其早分隣壁之輝。幸泳德河之潤。雖  
通聲氣未奉話言。聞簡命于龍樓。神增馳溯。徯省方



于蠡澤色倍飛揚。謹肅未與恭迎先路。伏異花驄風  
駕三江。瞻斗極之光。朱鷺前驅。五嶺厲風霜之氣。山  
靈儼而負韉。天吳警以扶舟。六轡如濡。方握六條之  
清察。三台擣朗。即躋三獨之崇嚴。

又

青橐鷹凌。執憲峻南床之槩。朱軒鳳舉。宣條覽西國  
之風。萬里具瞻。百城久徯。恭惟斗杓啓秀。海岳儲靈。  
射隼高瀟。翊千秋之泰運。截蛟極浦。澄四海於安瀾。  
清裁高繡。豸之班風。生白筆峻節。攬花駟之轡。雲絢  
丹綸。慙違侍從于殿中。方代殷巡于江介。霜臺始下。

都亭未肯驅輪。露冕將臨。城邑非無解綬。絳駟啓路。  
便看蠡澤之澄波。白簡照霜。已覩嶺藩之褰靄。震霆  
為御。未喻神行。風伯前驅。應知德速。某謬膺翰寄。濫  
帥戎旃。綏靖無方。欲問作屏之術。準繩在望。行依執  
法之輝。側想龍光。彌深鶴企。披青雲于日際。恭俟下  
車。睇紫氣于關前。重迎先路。

賀林侍御

三首為徐明府作

銅龍曉闢。天情容廣。殿之班。繡豸晨登。風采峻西臺  
之望。新綸寵被。簪履歡殷。恭惟海岳炳靈。乾坤間氣。  
曾城輸玉。人推鼎鉉之珍。赤野貢珠。世識冕旒之器。



遠遊集 卷一 九  
蜚英京國射策冠于桂林執法維揚咏花光于月觀  
神明含照嘉石翳於蒼苔寬渥流慈園扉鞠為茂草  
於是名注御屏之上道行憲府之中謳訟初歸弼敬  
承于夏啓緝熙方茂備訪落于周成鶴立槐宸簪筆  
映進思之度烏栖栢樹英裘隨退食之倫晨動玉珂  
見行塵之且止風持白簡問夜色之何其慶滿朝端  
歡凝海裔其昔依雲覆難忘威鳳之儀茲值星移私  
卜神羊之槩對岱峰以瞻仰莫即鳧趨擬曲澗之朝  
宗恭陳燕賀

賀徐侍御

綸宣中禁繡衣揚熒火之精望允西臺白簡應嚴霜  
之氣雅協維桑之景仰洵孚列栢之具瞻恭惟業光  
黼黻度煥圭璋才擅文鋒敏妙儒紳之範胸為武庫  
縱橫公輔之資定議撰儀乘輿瞻而引導佩玉端委  
朝典就而諮詢道備準繩石鑒方稱于鷹時職登雄  
駿王元正羨于龍翔老聃典柱下之書薛顛執殿中  
之法天橫雕鸞青囊題上于風聞宸被槐楓白筆班  
高于日接佩雙璜于雲陛影動神羊攝六轡于天街  
聲騰驄馬坐遲玉漏攬衣魚鑰之寒漸轉銀珂問寢  
龍樓之曉其載懷舊雅欣值新榮骨鯁登朝慶臺端



之益重牙緋入直賀言路之方開但官守牽纏山川  
悠遠因南風而送款眇矚鵬溟望北斗以馳誠同懷  
燕厦

荅徐侍御

雲間綠栢二臺瞻崑玉之標日下瑤華千仞枉隋珠  
之賁清襟宛照玄味難諼恭惟秀啓華巒祥開蘭浦  
雄才颺振帀九域以揚光逸氣雲浮摩曾霄而散彩  
職司豹尾鐵冠峩鹵簿之中望峻駉花白筆側階墀  
之上清華譽協近石室之香芸雄要英蜚接瓊庭之  
屈草任兼四職著風紀于朝班儀別三騶振霜威于

權右民瞻允塞帝眷方隆楊秉相才京洛時稱其紘  
疏兒寬經學漢皇從問於尚書其獲炙輝光漸移氣  
序伏承清誨美不亞於丹書矧餉嘉儀誼更殷于綠  
綺送懷波路彌勤明月之思撫翼天階欲寄行雲之  
款行行避馬愧玉案之難酬肅肅飛鴻倘金音之可  
嗣

賀左布政王公涖任維夔永嘉人

天分星紀紫微聯七宿之輝地合江湖瓊式握百城  
之重群工倚庇百職瞻依恭惟雁峰啓秀鯤海炳靈  
鳳皇于飛出神區而耀德山龍作會絢華袞以成文



道緯人天元氣賴燮調之力才經夷險函生資綏靜  
之猷明弼衡荆播仁風于丹筆旬宣嶺粵湛瑞露于  
金莖忠簡帝心秩崇岳伯岱宗號五山之長作鎮獨  
高造化為萬物之工鑪錘更遠京師千萬里寄良翰  
之于蕃江介十三州歸元侯之思輯露冕彰喬卿之  
服光映畫熊星軺塞賈父之帷歌喧朱鷺出稱四岳  
同虞日之威儀入作貳卿是周官之爵列嬰牽絲尚  
淺學製非工延首青冥慶照臨之孔邇傾心紫府幸  
稟仰之維新花滿洪厓遙矚鵲綸之瑞波涵彭蠡恭  
陳魚藻之私

又

恭惟海嶽儲精風雲含藻威鳳翔而江區被德應龍  
見而楚服具瞻參曜乾文摛三台之朗潤媿靈地軸  
聳五岳之崇高璿式霞騫黜庶快光儀之再覲金聲  
颺振縉紳承惠問之重頒將使家聽隣鷄咸安世業  
人同野鹿俱得天和竒相天吳波濤澄于玉鏡鳥拏  
鶉火緯象朗于珠盤即入直于綸扉共翼宣乎天緯  
嬰閩鄉下士嶺徼末官百里荒中未奉清暉於周道  
五雲多處每瞻紫氣於台階負弩郊迎不展先驅之  
恪馳箋庭賀蘄寬後至之誅



郭學憲遷粵東海道叅政

文章天府江藩高握鏡之司。武庫人宗嶺海峻建麾  
之烈。逢掖以得師為慶。忽別緇帷。縉紳知行道最榮。  
又移玉帳。台階平踐。揆席宜登。恭惟珠淵稟潤。桂籍  
承華。採藻南宮。早擅雕龍之譽。持銓天部。獨專剖蚌  
之聲。霓旌飛出。牧之仁。木客嬉於雲月。虎節杖安邊  
之畧。僕鑒改其衣裳。故以荆衡學府之淵儒。作江楚  
藝林之哲匠。春華畢采。半暮而桃李成蹊。芳草含滋。  
一變而荃蘭滿徑。三江成化。已賴觀文。四海橫流。又  
資經武。暫讓榮于節鉞。先樹績于屏翰。瞻八桂之成  
林。掛弓作賦。眎扶桑之出日。倚劍刊銘。會看出縮佩  
于麟符。入調元于鳳閣。嬰久依乾覆。忽報星移。瞻北  
極而已覺天遙。睇南雲而益懷日隔。雖情均賀厦之  
燕。而心同離沼之魚。敬走末胥庸將。微悃或者。雙熊  
度嶺。四牡臨岐。良晤無窮。荷紆盼于墜履。遺簪之列  
夙緣不淺。獲攀轅于聶都。大庾之間。重奉話言。更聆  
警歎。惠蒙慈炤。實所願言。

迎糧道李公入關

名守峻宜興人辛丑進士戶部主事九江鈔關廬州知府

副使 以下十首為徐縣公作

薇垣擣朗絳騶臨閩會之西。蘭檢浮香紫氣幕關門



遠遊篇  
之上望曼鳴笳之啓路情馳歛板之扶轅恭惟崧嶽  
慶鍾辰精輝炳才橫遂古彈九日于扶桑道濟嚴時  
調八風于閭闔江清楚紀映如玉于匡山嶺盡越陬  
還去珠于合浦身府仁流于丹筆雄藩榮晉于繡裳  
遠維岐海之蕃宣方調閩都之兵食飛芻挽粟樵蘇  
畫急于東征栖畝積倉餽餉策先于南戍指楚郊而  
一憇入閩徼而造臻風伯前驅紆懣度石姬之嶺山  
靈叱馭碧雲開玉女之峰影閃朱旗候先庚于萬里  
聲騰華鼓歌來暮于千營某幸屬照臨慶曾霄之密  
邇彌深瞻溯同百谷之朝宗職莫效于簿書忱未申  
於弩矢青郊路轉綺襦之竹歡迎賴日光流墨綬之  
葵傾嚮謹馳馬走肅奏魚箋

賀徐守道升淮安鹽法副使

城切苴棠岐海膏春山之雨天高列栢長淮清暑路  
之霜流風猶蓄于去思傾日方馳于來賀恭惟道光  
隆古德表生民都亭披射隼之丹霜停諫草位宁煥  
舒虹之彩雲絢判花自青囊暫輟于直廬而絳節惠  
徼于作牧旬宣千里東閩騰保障之勲網紀四州南  
國滿昭蘇之澤壺山細草猶餘藉騎之榮蘭浦清波  
可照沉碑之色葱珩雅望鯨鯢氣戢于桑瀛玉帳雄



風龜象琛輸于桂海。詣赤墀而肆覲。忠徹龍樓。奉紫綉以出藩。榮登豸府。江淮帶地。畿輔維揚。葦利鹽田。鮑昭有賦。致饒斥鹵。郭璞曾言。地似郇瑕。政宜清于國寶。產同渠展。筴方謹于海王。商旅流通。始笑桓寬之論。軍農可佐。終徵管仲之書。某碧漢久看。顧龍門而自遠。白雲相間。望鵬路而難攀。嶠外海苔。莫寫瞻依之悃。雲中江楫。悠哉寤寐之情。

賀分巡福寧叅政朱公身脩帶驛傳道

玉帳高臨。九夏肅海山之氣。牙璋兼握。三閩清驛路之塵。赤縣具瞻。蒼生屬望。恭惟精儲辰昴。氣感風雲。圭瓚瑤戈。方召旬宣之上。玉篋金版。伊呂伯仲之間。海外牙旗。建節觀詩書之帥。師中齊斧。臨戎資文武之才。負威望于長城。樹風猷于分陝。東瀛如帶。波濤靜于潛鯨。南嶽為標。風塵銷于脫兔。以宣尼置郵之德。攝召伯儲峙之權。肘縮駢黃。左方與右員并畫。躬垂紫組。內政偕外令俱張。弊洗托叢解。佻佻之怨讟。奸消矯駕息。賄賂之疲勞。即看錫美于絲綸。會遘躋榮于節鉞。某恭荷二天之覆。憐况漸千里之沮洳。觀名世之杼猷。夙欣受事。值宏才之兼典。重獲仰成。遙矚鵬溟。蓄歡情以何極。有懷燕厦。陳賀悃以彌長。



迎詹守道入賀 聖壽還任

象路光回玉帳春融于紫海璽書榮捧牙旗威轉于  
青霜圭符情切傾葵綺非驩殷跨竹恭惟秀啓靈山  
精分景緯澄清海截府中之列栢彌森鞅掌閩區陌  
上之菱棠未剪占風貢雉辰韓有重譯之歸倚浪射  
鯨渤澥無九童之沴方式金于分陝旋奉壁于呼嵩  
朱雀窓中窺西王之桃核金莖盤裏挹太清之露華  
茂松既致於愛若采薇嗣歌而治外寶綸題濕膺錫  
馬之便蕃芳樹歌喧慰望霓之饑渴金烏賜彤弓而  
出紫垣建玉節以臨槎上張騫奉使初旋于碧漢師  
中方叔約軼仍耀于葱珩泉嶠彭濤色動風猷之再  
煥壺巒蘭澤歡凝露冕之重來便看銑鵲之飛即綰  
玉麟之佩某久從圭組承函盖于曾霄濫控軒綏荷  
併懔于五載被戈弩矢望紫氣于關門簞食壺漿迎  
絳騶于驛路

賀朱漳南加按察使分守福寧

雲護簡書節制掌六條之憲日華齊斧經營連四履  
之封台鼎徼名世之猷襁杖滿良翰之喜恭惟才橫  
紫電瑞應白星銅柱概雲新息著華夷之績金碑偃  
水當陽留陵谷之名龍樓眷微管以疏榮鯉海獲來



蘇而建牧。畫熊泣鎮。使車銜節。鉞之司繡。豸維藩。樞  
府總紀綱之重。惟茲四郡。實半三閩。霍林為東。揭之  
標。溟渤作南。環之帶。扶桑若薺。風帆之險。十旬城邑  
如棊。車書之途千里。彈壓式資於人傑。旬宣兼借於  
將星。刀尺千官。照澄花于水鏡。科條百度。煥明藻于  
圭璋。霧徹朱帷。肅肅見飛鴻之集。風和玉帳。蕭蕭聞  
班馬之鳴。知閩會之久安。信海邦之多福。其久承遙  
鑄風雲。限衆順之期。茲慶躬逢。夙夜得在公之燕。府  
中綠栢。願方遂于托巢。幕下紅蓮。榮更同于泛淥。謹  
奉箋以賀。屢旋負弩而迎轅。

請守道朱公泣鎮

南紀紆御辰之晷。日車方熾于丹衢。東閩隆分陝之  
權。露冕看飛于紫蓋。芳郊紈袴相將。跨竹之迎。屬邑  
銅符。彌切荷戈之候。恭惟名世聲華。偉人經濟。渭水  
覩非熊之業。至海履以玉棊。江流豎召虎之勳。錫山  
釐于圭瓚。爰從豸府。兼制雄藩。縉紳之吏。望風咸嚴。  
一燭介胄之夫。勵氣已釁。雙鉤軍戒未申。而炳燐民  
志先庚。而茂豫。周封申伯。都人喜有良翰。楚入葉公。  
國人望如慈父。念同芄黍。陰雨之膏。正殷情等旱柯。  
雲霓之迴。實切山靈護野。以俟玉帳之開。海若澄波。



遙想牙旂之轉辰韓候月且思得近于輝光肅慎占  
風亦莫不遙于聲息伏望移旌東指綢繆泉山曦海  
之區建節來臨彈壓霍岳靈江之險金相方岳于綱  
紀玉度更式于安和庶就日微忱獲稟成于密地戴  
星下吏兼倚范于重霄

賀布政使游公帶守道

天高紫極畫熊色絢于三山地重丹陬金鵲光馳于  
六轡岳牧峻唐虞之任師干隆方召之權慶溢波臣  
歡騰疆吏恭惟功扶函夏道濟生靈璿式金相翥風  
儀于威鳳玉條寶憲翔雅化于祥鸞日麗卿烟清輝  
均其紛郁露華仙掌美政喻其醇醲神德忽傳施澤  
迅置郵之外威名久播折衝在樽俎之前篁嶠桑瀛  
四履沐為霖之膏麟洲鯤渚百蠻歸候月之琛閩都  
氣象之鬱葱海國波濤之浩渺南襟雄郡北帶靈江  
鬱島藏舟時有成樓之蛟蜃密林翳景非無橫術之  
蟲沙控制必待偉人彈壓雅資良翰天開分陝建鴻  
範以遙臨人借長城得鷹揚之兼治烹鮮遂溉禹鼎  
割鷄方拂豪曹色改麟符七校旌麾皆變風生龜鈕  
百工刀尺倍新某夙昔仰成虛糜五斗今茲受命實  
戴二天雖鶴響聞霄即覩遙頒節鉞而鵬飛徙海尚



期暫駐檐帷玉帳倚雲邊馳驅倍切丹心懸日下依  
此方弘

迎高海道

名登龍山陽人甲辰進士河南副使

八紘紀地閩都帶渤澥之流六轡宣風憲府握華夷  
之寄草木與山川共悅縉紳將介冑同歡恭惟淮海  
發祥風雲蘊氣雄才獨負摹景緯以為章駿彩相宣  
摩層霄而理韻霜戈雪戟無非武庫之儲畫鷁青翰  
盡是巨川之用長河南望神姦消彈壓之威岐海東  
看民隱待咨諏之澤自衣冠豪族外市快其奸闌甲  
盾疆臣內偷忘其扞擷兼金利鐵恒輸邪馬之郊織  
續緊絲不絕東鯤之外長鯨倚浪而傲睨大駟乘風  
而跳梁實厝火之當圖而曲突之宜計是以帝思俾  
乂爰升弘濟之才王命來宣特畀經綸之手民情先  
庚而茂豫軍令未申而炳燐玉帳連雲既有長城之  
險戈船蓋海居然大國之風精彩一新威靈百倍其  
縮銅澤國時聞鼓角之鳴製錦巖城未覩弓刀之戰  
式承杖鉞慶靈若之搖魂恭值建牙知陽侯之用命  
瞻使星于漢渚未赴先驅望仙氣于關門豫馳下走  
賀高公蒞任

霍山維嶽神州資豸視之英瀛海為池重鎮借鷹瞵



之傑絲綸寵渥劍璽光華 精儲淮岱氣負風雲才  
識淹通義府與學淵並邃神明披朗智囊將武庫雙  
弘凌厲中原攬轡茂澄清之績指揮能事舉棋成弘  
濟之勲河洛思功勿剪播苕棠之詠甌閩擬德來蘇  
入芳樹之歌若乃天盡扶桑邪馬之臺未褫地襟八  
桂長鯨之浪猶驕以茲澤國之宥范乃迓偉人之彈  
壓六條察吏聽文霜肅於八州九伐詰戎鵠印風馳  
於七校丹旆建樓船之外陣雲之精彩遙飛形旆窺  
烟液之遙王氣之威稜已憺將使天吳泥首吹陰火  
於金樞海若鏡流浴曦輪於貝闕其慙虛曳組欣值  
擁旄倚范維新未樞瞻于洪範照臨既邇旋稟仰於  
良規雀賀厦成已遂托巢之願鰲戴山抃是徵縱壑  
之歡

請高公出巡

玉節宣條海嶠借長城之險牙璋蒞鎮東南看半壁  
之安蒼生望切于垂霓綺川歡期于控馬 乾坤間  
氣淮海炳靈道合神知兆早符于獵渭畧非世出功  
遠績于治河杖鉞東瀛顧視而犀渠炳耀建旄南國  
指麾而鼓角精明風轉七旂肅慎息馬銜之浪日華  
三翼越裳歸雉羽之琛全閩既賴于澄清下邑復徼



于保障唯茲莆海實號文邦內界河山烟火雖恬于  
千里外浮甌脫滄波猶阻于萬重豈無蟻穴潰隄之  
憂尚賴虎視在山之勢召伯之分西陝曾聽斷之親  
巡畢公之尹東郊亦風聲之式樹昔稱明德今則仁  
風伏望露冕乘春鳴雙璜于緊郡朱轡信邁耀六轡  
于皇華蘭浦水清得映瓊璿之式壺山草碧方承輪  
轂之恩霜威先良日以遐揚風采與豔陽而競麗庶  
迢遙海截知夏屋之悒悒疏譟疆臣荷層旻之覆幬

迎梁太守

麟符日麗樞庭高俎豆之勳熊軾風清黼陟重股肱  
之寄聲光南國儀峻西江瞻紫氣之遙臨望景星之  
夙照恭惟扶桑毓秀八桂飛華葉有珥貂名業每緘  
于金鑱代傳轡虎文章咸冠于石渠三署承光水鏡  
司人倫之重列星垂曜玉衡依帝座之尊武庫兼儲  
握中樞之筦轄長城斯在壯右地之金湯人望益隆  
帝心攸簡念玉枕橫江之帶礪任畀承宣借朱轡紫  
蓋之神明道弘師帥歡同綺幄四封均夙屆之迎歌  
起袴襦萬戶切暮來之思二天弘庇一路福星嬰遠  
地瑣才遐陬屬吏欣瞻綸綍神隨金鳥霞標翹企旌  
旄恭竚青霄月朗惟願褰帷度曉排鷺羽於驂前露



冕行春飛隼旗於戟上

請贛州府沈司理查盤

繡衣飭憲分猷資綜核之英錦節宣風行部振勾稽  
之典溪朱軒之鳳舉封銀鑰以鷺延恭惟衡宇嚴凝  
靈襟開朗清同碧水鏡流照徹于澄花直若朱繩約  
法平彈于曲木沛虞仁于畫象幪巾示廉耻之途寬  
漢網于破觥嘉石務詳平之烈梅花嶺北鞠茂草于  
園扉桃澗洲前洗密茶于積澤符開赤伏遂膺赫赫  
之簡書里峻朱門已迓亭亭之車蓋嬰每傾柯于日  
路未披霧于天庭適緣王務之殷獲假台旌之寵惟  
是邑稱百里地僻千山斗大城池月懸囹圄金微戍  
士遙資半菽之供輸瑤牒宗枝歲取食租之經費豆  
區鐘釜載在舊章弓矢戎兵參諸故簿必待上臺之  
鈎考方弛下吏之負擔伏望碧幘褰雲責止方山之  
麓絳騶清道載臨猶水之濱爰奉尊嚴俯綜瑣細九  
九可見已握筭于階前一一而吹謹持筭于節下

又

恭惟命世偉才匡時大業有瑾置孟間之貌有塵飛  
甌裏之清政在平反人謳孔邇聽皆明允民自不寃  
魚鳥知凜於簡書孽狐憑消於城社下官竊承輝潤



私淑芳徽。有日矣。茲蒙頒下憲檄。科條畫一。法度明  
章。俾山城末邑。耳目一新。心志咸悚。踈苗待浥。于潛  
露密。莠俟剪于清霜。加之紅朽。陳因泉刀。出納吏牘。  
具在官箴。攸憑咸望。嚴車之俯臨。仍煩移晷之覈實。  
雖復憲體天高。寧藝尊于瑣細。惟是彞章星紉。每倚  
重于崇巖。伏望繡節賁然。德意旁皇。于貫索彤襜。屆  
止榮輝。照耀于離珠。

迎袁州陳節推查盤

繡斧巡方。遙嶺肅風。霆之氣。銀蕩祇命。春城俟日月  
之華。綺襦竹控于青郊。墨綬葵傾于赤縣。圭璋南  
國。鐘簴鈞天。金匱緘券。代以春秋。名世寶綸。申錫家  
傳。竹策之榮。韻宇清寒。素絲羔羊之直節。羽儀凝峻。  
丹霄鷹隼之高風。追畫象于虞廷。仁濃丹筆。邁破觚  
于漢牘。法簡金科。萍實江中。共睹憑陵之王氣。梅花  
嶺北。恒聞浩蕩之祥刑。乃者朱帷分玉斧之猷。白簡  
行繡衣之事。波深橫浦。近鴻範之激揚。春被桑田。奉  
臆文之風厲。某幸共枌榆。偶當九蕞。術既慙于卓魯。  
道仍愧于弦歌。錢穀司存。倉廩府庫之需覈。桁楊兼  
治。簿書期會之應稽。已勅和鈞。俟明徵于大府。預封  
筦鑰。將集課于外臺。伏待祭戟賁然。與豔陽而總至。



駿駢夙駕載霜氣以偕臨冰壺垂四照之輝露冕宣  
六條之察群工並校百度咸綜庶下邑遺規頓奉廓  
清之典屬城下吏更承簡核之恩

謝吳司理查盤

霓旌遠察梅封垂照景之輝繡軸南旋棠陌留拂雲  
之蔭澤自濃于過化感方切于去思命世偉才匡  
時大業解嚴科于次骨史贊詳平滌密網于凝脂民  
躋仁壽三歲播祥鸞之譽九臯騰鳴鶴之聲茲者繡  
衣將入于聶都絳節先臨于南野晨行帑藏流泉料  
楊越之珍暮閱困倉揚箕似栢梁之咏鳴蟬九熟無  
取空名飛鳧八銖必尋故實寶臺熾日未辭關石之  
勞珠府流金不釋簿書之覽其夙承覆幬於層穹更  
荷帡幪於大厦遂使龜玉不毀謬彰守楨之能出納  
司存方比挈瓶之智溟海之波九萬何如此澤之深  
華岳之途五千孰報茲恩之重

答吉安韓司理日將蕭山人

朱帷玉式法星臨牛斗之墟丹筆金科瑞氣滿江天  
之外聲光最切瞻仰彌高欣青翼之南飛感瑤華之  
遠錫恭惟臺下冰壺心徹寶甕氣凝學海游玄風匯  
百川之浪詞林振藻早開四照之花射策既冠乎南



宮執法乃敷于西國。霜寒香岫正符蕭遠之芳襟。波澹文江玄對清漪之雅操。驗祥刑于月魄。望舒之轡晦馳占折獄于星芒。貫索之門宵啓。士陶無斲作師表于三江。民自不寃。轉昭蘇于萬里。青原白鷺且看梅廨之流仁。紫禁銅龍已待荷囊之入直。嬰偶司僻邑遙托荒隅。藐爾附庸。幸叨末屬。懷帝京之天遠。曾奉雲披慶楚水之波連。迴游河潤。汲深綆短。簿書無晷刻之遑。馬剛轡柔刀尺想化裁之裕。朗月未忘其耿耿。停雲益動其悠悠。徒積私衷恒慙踈節。正思脩聘欲陳贄玉于雙旌。乃荷不遺輒枉明珠于千仞。銘心曷已念德滋深。敬抒夙夜之忱。仰候陽春之祉。

滿考通葉少師

以下七首為余司理作

天地為爐陶人倫於九域。璣衡攜斗酌元氣于三階。物稟遂成功收亭毒。其鑄金已歸于大冶。埏噐尚望于洪鈞。特以家本儒生。官當法吏。學慙陳郭。牽絲謬典於園扉。淑異臯蘇。解褐况司於名郡。梧人自動。神明之績無聞。木吏何言。寃濫之愆。是慙一官靡效。乃臻報政之期。三禡自知。敢望褒綸之及。幸逢閣下道成。坐論六樂。廣奏於咸雲。治表變諧。五禮兼施於文質。經營赤縣。豈惟瞰馬弋之隅。弘濟蒼生。非直鑿龍



門之險肆今函夏蒙理大道公行乳虎之吏含牙倉  
鷹之師歛翅楚王外府不待封錢漢帝屬車無煩載  
酒其濫竽聽訟竊譽詳平賁閱書功獲參明慎顧茲  
尺寸之豎實由覆載之恩曲淑淥波思朝宗于渤澥  
輕柯紫穎難報施于陽春敬塞澗藻以輸心恭縻海  
苔而寫悃

林大宗伯

三年效績稽功蓋昉于唐虞一變移風報政曾聞于  
齊魯漢官上計闕閱自賈晉課名聞簡書可畏蓋勤  
能之明試乃今古之同規如某十載為儒徒守卿雲  
之業一行作吏便參陳郭之條治大國以自慙亨魚  
不彰於漑釜弭巨奸以無力縛虎猶用於尺繩釁過  
重於丘山績效輕于繒綺恭逢閣下命世挺生應期  
間出脩身慎行漸洙泗之淵源正色立朝佩夔龍之  
禮樂青殿峻疑丞之範璧雍盛更老之模掌握化經  
身任斯文之未墜典司政本士依吾道之中興曩促  
坐于城月閣雲傍瑤林而神曼矧奉教于壺巒蘭渚  
聆玉屑而心開于時藉鴻範以無愆此日望龍門而  
方遠五聽彌兢于嘉石三周益謹於爰書遂當奏績  
之期難掩司衡之鑒三褫莫追璽書敢望于旌榮四



善茂聞車馬寧懷於寵錫所賴層旻覆幬海截無私  
日月光華隙容蒙照苟得縫其隕越真有荷于帡幪  
弱羽排雲曷酬恩于曉夜輕枝綴葉難報德於陽春

撰誥勅

禮庸車服敷言不及於試功寵錫璽書積閱尚兼于  
明閱是以京房課法因日御之青光劉劭都官澄時  
才于朱紫社稷封彊之吏九品程能刑獄錢穀之官  
三年報政至如治獄未易名家月魄驗其持平晦動  
望舒之轡星芒徵其聽斷宵開貫索之門乃號平反  
是稱明慎其起家西蜀典獄東閩性具弘明觸邪徒  
懷于鮭魮才非搏擊逐兔未及于鷹鷂負鞠方牆每  
求釋滯幪巾墨涅尚愧守文顧惟奏績之期例獲如  
絲之錫自驚隕越未定幽明恭逢閣下德蔚人龍道  
巍天爵甘泉晴日絢蘭檢于千秋天祿綺雲爍藜光  
于乙夜宣猷旃屢雕龍發經筭之謨視草槐宸白鳳  
吐詞條之采褒借則榮踰華袞吹嗟則葉綴寒條或  
者玉檢蒸霞倘奉紫書之寵寶綸晃日祈杼黃絹之  
詞魚在藻以泳仁雀銜花而拈德其為銘哉曷既激  
昂嶠外潢蘋向日邊而側致雲中江樹縮地脉以莫  
因



張侍講

瀛洲清迴金閨騰揆藻之聲。日月光華黼幄擅橫經之業。漢尊更老周則疑丞。蘭風香襲于芸庭。葵日誠傾于梅畧。恭惟祥流五緯。秀啓二儀。紫帽初脩。萊尹負千秋之望。彤庭射策。天人冠一代之英。天祿宵分。太乙吹藜而下。石渠秋澹。玉繩窺管以從。宸聰啓沃。于細旃。顧問從容于禁苑。曾城輸玉鼎鉉之譽。攸歸赤野。貢珠冕旒之用。方及其官當劇郡。職治爰書。丹筆亭疑。明慎深慙於刻吏。金科守法。詳平仍愧于猶人。幸依東壁之光。獲荷上台之照。三朞考績。賈闕閱以自驚。四善無稱。矚璽書而若厲。價蒙十倍。緣盼睽於孫陽。酬有連城。藉甄收于薛燭。曷勝翹泝。彌切激揚。

李太僕

繼升銅梁人甲辰進士長垣知縣陞江西道御史掌河南道今為太僕少卿

台階清迴月聯駮。豹尾之儀鹵簿崇。嚴日御攝鸞和之響。光分梓國情切梅曹。儲精井絡。蘊氣風雲。才允擅于文鋒。敏妙儒紳之範。胸夙稱乎武庫。縱橫公輔之資。宸被槐楓。白筆名高于日接。天橫鷗鷺。青囊題上于風聞。刀尺千官。式負檢裁之望。銓衡六列。仍昭澄激之功。方民瞻允塞之時。正帝眷倍隆之日。班



高綠珥乘輿箴麗于潘尼佩委蒼琚敷奏義光于蔣  
疊其早承蔭映久餐德于枌榆遠奉睽攜彌流思于  
漢沔屬者官當岐海職典園扉平反之譽無聞明慎  
之猷靡樹期已逢于考績寵敢望于褒綸幸值兩曜  
重光二天兼覆崇朝雨施于天下顧盼春滿于人間  
實異獎成敢希題拂波涵太液情深鳧藻之遊樹滿  
上林感極鵲枝之借

徐尚寶良彥

城幕春雲岐海仰丹騶之澤天高卿月闕廷瞻緹扇  
之榮戀篤舊軒情殷昔履德表生民道光隆古位  
宁煥舒虹之采雲絢判花都亭披射隼之丹霜寒諫  
草江淮帶地褰帷彩峻于三階宮殿薰風尚璽班清  
于九列芝泥行疊槐衮遄登昔直廬暫輟于紫荷而  
閩國惠徼于絳節西湖波綠清可照于沉碑壺嶠花  
深香猶餘于藉騎甘棠猶在千秋傳召伯之歌列栢  
依然四履念羊公之烈况其久承陶鑄獲鵲樹以依  
歸忽奉睽攜顧龍門而迢遠期適逢于考績寵曷望  
于褒綸所冀渤澥方春千里沐波濤之潤層霄為蓋  
百生蒙覆燾之仁駕足材遲或竊名于葦駟蚌胎質  
陋庶濫價于靈蛇感不盡于瞻依情彌殷以翹結



鄭按臺

神義司震菁華敷九地之芬靈若乘流縈帶總百川  
之滙是知道廣不妨于藏納氣蒸已轉於鑪錘其解  
褐西川早懣金科之懿牽絲閩海初司丹筆之嚴臨  
狴亭疑久忽平反之可記驅騶祇命仍慙綜核之未  
詳幸遇度式若金光溫如玉望隆三晉元天高北列  
之精譽表百僚星緯接中台之曜攬玉驄之轡天街  
遙靜于行塵開白虎之樽元朔獨伸於浩氣閩山絳  
節猶瞻列栢之蒼亭岐海清風尚愛甘棠之蔽芾某  
仰勤推轂譽屢至于龍樓廣荷闢門恩逾隆于豸簡  
遂使駕駘款段倏成千里之木枯木朽株方為萬乘  
之噐每念吹噓之大德敢忘湔拂之洪仁茲當報政  
之期幾是官成之日行百里者半九十深虞末路之  
難搏六月者擊三千尤望培風之送舊軒有戀前履  
或懷爰襞海苔遙候起居之祉載褰澗藻莫傾鬱術  
之衷

大司徒畢白陽為何文宗解卷作

天正六符佳氣煥中台之曜日呈五色榮光徵上宰  
之祥絃極欽風海藩景德百代菁英二儀間氣升  
墉射隼著震世之風裁倒海截鰲標柱天之能事從



容天府師長人倫周崇六職之聯漢峻三公之秩象  
徵取穗平壚埴之地征義叶生松脩禮樂于邦教布  
五常以敬務齊八政以為防今疆場頻合牙璋廟廊  
方資玄筭杜當陽之備物弘濟時艱張廣武之興漕  
助成國計功已光于鼎玉恩行錫于瓚圭其幸浚閩  
衡當需部命愧題銓之未確慙藻鑑之非精唯當年  
依璇宿之光曾蒙題拂茲京邑矚絳霄之葩深冀併  
懽濶澗藻以輸情瞻依曷既伸海苔而寫悃涵照  
為祈

太宗伯李湘州騰芳

天邃南宮禮樂集文昌之府星輝東壁儀刑居元氣  
之司朝右具瞻區中為憲八紘表極一代典刑鶴  
禁宣猷簪筆兼陳其啓沃虎門敷講衢樽每任乎斟  
斟才經百煉而愈堅位驟九遷而始達樹風猷于百  
代將整神州開霧縈于三精方清天步帝車斗運暫  
筦樞機台鼎鉉貞即煩調燮其涉學未窺堂奧守官  
叨育英才秉憲閩川持衡文苑按圖索駿恐難相其  
天機繞徑蹇劣或未收其秋實一暮而事稍已群彥  
之曠具陳顧品裁資鴻範之嚴雌黃始定斷割藉龍  
淵之利朱紫纒分夢寐遠以馳情中心勞于仰德倘



情移山水鍾期無失聽之譏逸寄驪黃方誣道誤觀  
之敗不隳歲月之勤實由覆載之恩

又

閣下品貴南金名高東壁自荷橐典王綸之美而橫  
經重講席之華符寺江藩百煉咸知其寶木天華省  
九遷未以為榮啓沃之功既成維毗之勲方爛人瞻  
碩輔國有典刑某早點諸生曾私誦法一行作吏仍  
獲依歸閩國迢遙舊號文章之數學宮廣厲宜精品  
藻之能慙水鏡之非長乃鑒衡之獨擅其相馬驪黃  
之外雖火樞而見收鑄金模範之中苟躍冶而得斥  
擯芳蕤于諸郡竭聰察以半暮乃循故事于閱歷之  
終備列尺幅于階墀之側用貢此邦之風習仰塵乙  
夜之覽觀奏析楊于雲咸之中引聲難激持布鼓于  
雷門之下發響慙微倘崇雅黜浮無謬神車之南指  
拔十得五不孤天網之遐張

李給事銜詔

以下七首為徐明府作

瑣闈清切司獻納于彤樓周道倭遲布音綸于赤縣  
雲擁使臣之蓋風馳下吏之箋秀啓鶴湖望隆鷄  
樹栢梁畫棟扶大厦以那居檜楫青翰立要津以弘  
濟圭璋耀彩禮高交拜之郎儀羽蜚英秩總集書之



省補黑龍之袞忠簡帝心發白虎之尊名垂諫草鳴  
璫仙仗風采自傾珥筆華軒傳呼甚寵邇者觀臺告  
稔望月收華楊雄象德之詞方綜沙麓延年圖芳之  
策始撰玉繩乃從蘭掖之班出奉椒宮之諱關山征  
旆與雲樹而離披驛路鳴鸞共匏絲以過客皇華滿  
道爰隨八月之槎高館臨衢尚弭三閩之節某偶司  
下邑屬在魯臣聞坤載之既虧實愧來芳之述值星  
輶之且至輒馳先路之迎伏候駐旌敢辭負轡

任廷評

日麗棘廷三尺常平於卿士天遙桑海八騶遠赴於  
諸侯望行旌於層雲馳輕笈于下邑川岳儲精風  
雲含藻翔鸞撫翮初發彩于禮園振鷺登朝爰亭疑  
于嘉石陶公玉厚之旨直擬祥刑晏子履賤之言居  
然利溥琢懸黎于崑岫鼎鉉之譽已歸擢文梓于鄧  
林棟梁之望斯集乃者陽精薄景緯曜逆占期屬鼎  
湖共軫抱弓之戀道窮玉几遂逢陳寶之時爰乃奉  
國諱于荒陬布音綸于宇甸旌行猿嶺覺雲水之悲  
涼車過龍臺感匏絲之過客山靈護野已占仙氣之  
來海若先迎似負王舟之度其守官巖縣望緯星輶  
萬里皇華知乘槎于漢渚千山紅樹聞珥節于閩都



豈任葵傾恭陳芻秣

送驛傳道杜公入賀 登極

璇穹保定朝廷依北極之尊金闕朝宗榮戟出南闔  
 之曼瞻龍旂之上路翼騎吹於臨岐辰昴儲祥風  
 雲含藻漢廷執法夾河開定策之勳唐室紆謀裂土  
 冠登瀛之傑世祿承于不朽峻望擅於無雙玉節摩  
 空開雲烟于海嶠繡衣立漢洒氷雪于閩都柱後螭  
 文八郡歸王鈇之彈治手中豸簡百工入水鏡之澄  
 清使驛遙通息駟駢于垌收舟車所至聞聲教以梯  
 航茲者代屬聖人之時天與吾君之子祚歸殷甲襲  
 冕服以御三辰運啓周成負黼宸而朝群后四海想  
 中興之美萬物覩聖作之隆列栢參差切倚雲之戀  
 芳葵苒荏傾就日之忱庭設九賓奉桓圭而利見階  
 趨百辟遙仙仗以歡呼東鯨西鷄且贊云亭之禮龍  
 圖鳳甲將陪河洛之遊尚書中侯帝堯即政七十載  
脩壇河洛仲月申日禮備至  
于日稷榮光出河龍馬銜誠表丹青忠昭日月其濫  
 甲赤文綠色臨壇吐甲圖  
 等圭組久荷併蒙北望關雲照珠鞍而五色漸看街  
 雪集朝服以千花奉賜有懷惟飭諸駟之扉履脂車  
 在眼欲攀雙鹿之輪轅

送諸建南赴四川憲長任



碧水波生仙氣出西閩之塞錦城雲繞法星臨東井  
之墟啓行榮赴于外臺瞻戀情留于下吏 兆應非  
熊儀徵威鳳經天文治與雲漢而昭回蓋代英風挾  
虹蜺以凌跨峰連黃鶴之障寄重屏翰谷隱白蛇之  
妖任叅岳牧碑沉渚次豐功與劍水俱流碣立山頭  
峻烈在鏡鋒之上閩嶠之井棠未剪蜀都之列栢自  
高英蕩鳴騶奉寶綸以信邁疑笳疊鼓翼征蓋而西  
行霓旌褰巫峽之雲雀舫溯瞿塘之汨途高九折聞  
叱馭于王尊地盡三川見宣條于种嵩華陽黑水應  
無滯獄之寃槃木白狼已仰惠文之治某百里荷絳  
霄之葩忽覩天遙幾年依淥水之光遂逢海運朱軒  
繡軸莫攀金谷之筵零雨晨風尚想陟陽之候仰碧  
鷄之使節遥望行塵瞻繡豸之旌麾靡抒陪從敬飭  
關門之候薄申扉屨之供

又

臺下德表生民才匡函夏滄瀛嶺嶠久資彈壓之猷  
江漢岷峨又借糾繩之望絳騶啓路方聽巫嶺之清  
猿彩鷁凌波豈問瀕堆之如象顧錦官城外僕雖切  
于孺童而玉女峰前戀彌深于舊吏無緣攀轅徒有  
望塵而已所喜家君在蜀得夙夜周旋商榷當否輔



車賴踞轅之唱。同舟有操楫之工。則曩獲併蒙。今偕朝夕。風壤雖異。欣喜同也。恭馳下走。遙控微忱。

送熊巡道出關赴陝西學憲

日華原隰。朱軒鳳舉。于三春雲繞關河。赤幟虹騫。于萬里情未抒。于暫借感已結。于去思名世偉人。清時直道。英規勝範。陵許郭之人倫。義府文宗。掩卿雲之世鏡。從容鷄樹。掖垣風動。于年枝斟酌。獸尊石室。霜留于疏草。鯨波湊越。牙旗連錦翼之舟。鶉首翦秦璿。綉耀絳紗之帳。若乃巖風餞臘。冲氣迎年。雪霽丹山。朱鷺過而景淑。冰開玉岸。慈鷄度而寒輕。疊鼓凝笳。言指二肴之道。金羈銀勒。兼尋千里之春。節使曉行星已。臨于東井。真人信邁。氣欲度于西函。豪士好俠。世家好文。采國風而並育。關東出將。關西出相。頓天網以咸羅。某昔為雲日之依。忽作參辰之隔。脂車金谷。徒懷送遠之衆賢。祖帳陟陽。莫效征西之官屬。飭群騶之扉屨。敬有未將。攀雙鹿之輪轅。誠知無計。

送趙泉州出關赴嘉湖道

繡豸疏榮。虎節馳驅。于千里彤騶清路。雄風纓第。于三春感彌切。于海邦懷轉深。于疆吏一代偉人。三吳碩望。行春紫馬。二州咸戴神明。敷教緇衣。千載共



推豈弟九霄天迴騰清響于鶴臯萬里風培送高翎  
于鵬海五雲下燭芝泥榮發新綸千綺東行霜戟光  
臨舊越峰看綵幔琪花麗絢于朱旗路貫黃陵碧水  
清漸于畫較江山寥落風迴從吏之旌驛塞迢遙雲  
護使臣之蓋來暮百朋之咏在浙水而已騰去思一  
借之情顧闕邦而彌結况某久蒙陶鑄倏離悒悒雖  
榆社歡言慶方同于燕厦而棠陰蔽芾望日遠于龍  
門直北關山徒瞻繡衮征西官屬莫餞金觴

送方伯王公入覲

江甸建麾屏翰垂五侯之憲天衢輯瑞車書會萬國  
之同識為龍而為光知錫馬而錫命衣冠動色鐘鼎  
增輝千秋名世一代偉人瑞啓非熊肇光華于賜  
履祥探化鵲疇奕葉于銘戈金玉其相臨淮煥悒悒  
之度陰陽為炭鑪錘多履履之恩五嶺北看人同和  
于野鹿三江西望家安業于隣鷄金闕將春早奉巡  
功之典彤庭拂曙方遵率職之規忠誠洵篤于在三  
理效原推于第一江雲五色隨紫氣而紛緼蠡水曾  
波送青翰而容與驛路聽凝笳之轉楚郊睇征旆之  
翩北道暄生漸欣日近南方寒起但覺天遙應知睿  
眷彌深晉登台鼎帝心簡在留典樞衡某捫心願效



于扶轅引領莫瞻于弭節人非鵠雁假飛翮以隨車  
神逐驂駟向行塵而掉鞅敬走匆匆之役輒申翊翊  
之私

送巡道入賀元旦

璿衡啓運紫庭頒函夏之春日月更新象路就鈞臺  
之會臣隣之忠允篤牧圉之職奚伸二儀間氣一  
代偉人挾藻天庭開詞林之四照摘光日殿負皇室  
之千梁厥直承明出分陝服朱轡菱舍追召伯之井  
棠銀燦巡行映士衡之弱柳嚴霜膏雨物銜亭毒之  
恩夏日冬暉人戴照臨之德揚旌誓士震威稜於辰  
酉五谿秉羽宣猷煥聲教于柴麥六成廓清氛祲  
垂柁邑之戈拯救橫流功勒峴山之碣茲者川思赴  
海星想拱辰寶鼎瑞雲幕朝光于賓伏金盤柔露催  
正會于仙階萬壽觴騰陪三公之奉璧百花燈絢籓  
列辟之執珪劍采浮輝映魚龍以曼衍佩聲切響隨  
鵷鷺以騫翔龍光譽侈于蓼蕭袞黼歌榮于采菽臨  
軒詔問言觀彤管之鋪合殿恩多更拜綠醺之賜某  
謬叨覆露忽判行塵馬度天街莫扈萑苴之旅鳧飛  
曉闕遙瞻文物之班整緝愜以朝天含情脂牽錫彤  
弓而還鎮屈指扶輪



速慶院公宴

玉帳天開控三楚百蠻之重牙旌秋肅專五侯九伯  
 之征南列儲胥數軍實乎都龐之野側陳超距饗戎  
 旅乎樓蓋之林敢御朱軒俯臨清宴德著函生功  
 流綿代縱橫盤錯縉紳推駕鳳之才經畧險夷介冑  
 羨卧龍之傑久已篤天心之眷惟茲膺元帥之榮紫  
 綸將丹日相輝黃鉞共青霜並肅天吳木客咸知能  
 事之指麾盤瓠廩君已攝威稜之捷伐幸值秋清之  
 候正當飲至之辰桂樹華而金風生蘭席陳而璧輪  
 上僭請八騶之泣共瞻六纛之臨舞動雲翹列非九  
 劍歌升瓠葉間以笙簧欣笑高談即預定三軍之勝  
 筭芳樽瑀俎真堪折萬里之遐衝自鎬朋僚欲侍勳  
 庸于吉甫登樓官屬祈親風範于庾公

又

柏樹府高萬里快瞻節鉞芙蓉水淥群情欣漑樽壘  
 敬諭崇嚴俯垂色笑天南半壁荒內長城魚腹兵  
 鈴天祚玉璜之寶鵲銜侯印神詒金瑞之文欣幕府  
 之初開躋公堂而式宴既諏穀旦輒啟蘭筵六樂環  
 階閩外望金章之耀庶僚陪位席前傾玉屑之霏表  
 裏河山且借箸得澄清之略廣輪華裔將銜杯成綏



靜之勳敬騰朱鷺之歌庸速彤駟之駕

請吳查盤宴

鸞章爍日弭繡節而靡違鶴馭宣風竣金科而將翫  
敢擬有臺之詠恭邀副乘之光度華鳳舳噐利龍  
淵鞅掌皇途轡益柔于馬驟留神王務續立剖于蠡  
紛形暑方騰朱檐忽駐簡稽金粟揮珠汗而非辭綜  
核簿書據玉床而靡倦使其職無隳于守藏躬得弛  
于負擔雖兩載之拮据皆層霄之覆幬輒依綺館早  
辟塵囂恭御朱軒榮垂宴喜青尊翠筆借朗月之新  
輝紫荔緗荷奉清風之馨好浮井瓜于清冰言追河  
朔之歡沉紼李于寒泉倘續南皮之會伏望采采光  
臨于桂席琅琅曲逮以蘭言銀燭金膏豈問舞衣之  
襪清音雅奏方觀歌扇之迴

請徐令公午節宴為學師作

日映卿烟奏嘉勳于丹徼露霏仙掌騰清譽于瑤琴  
久欽第一于名流况荷無雙之知遇謹張雅席恭御  
嚴騶風雲蜚藻川岳毓祥春樹丹花開詞林之四  
照寒濤白馬翻學海之千流崔氏雕龍盛業光于東  
漢張家金鵲雅望重于上京世顯登朝之楨家傳治  
縣之譜民餐上德鍾離之珥虎瑕丘國倚長才楊沛



之烹鮮長社。詔徵卓異。隨珥筆于彤墀。朝簡英賢。即曳裾于青瑣。其芹菰根淺。頓依淥水之蓮。首偕地寒。獲芘丹霄之樾。好比緇衣。而更切。敬憑翠掌。而未將日叶正陽。時當中夏。平看物候。喧林餘黃鳥之聲。試問流風。泛浦競綵鳧之戲。波漂棟葉。龍猶憚于五絲。雨浥蘭莖。人共奉于九畹。縷稱續命。繒號辟兵。信宴喜之芳年。蓋邀懽之令節。輒忘下佐庸饗。神君竹葉浮尊。撰良辰而式飲。筍蒲為藪。期勝處以燕胥。九劍不陳。或借魚龍以公樂。匏絲未奏。倘因山水之清音。伏望金諾曲頒。朱帷暫蒞。庶末僚受祉。得貪少日之周旋。介憤邀榮。正借片時之臨况。

辭蔡孝廉祥球招宴

三江靈炳。五嶺精儲。天寶徵奇。南斗抱蛟龍之氣。仙才獨秀。西山飛鸞鶴之華。久為薄海之羽儀。會作熙朝之鼎鉉。不佞幸從促席。喜覲芳徽。况荷張筵。藉承馨款。豈不貪周旋之益。何嫌成輕薄之名。顧念綆短。汲深拮据。靡暇轡長。力弱啓處。不遑內政之補苴。難完外侮之憑陵。未已。勾稽使者。朱軒已駕于門。徵發督郵。赤幘相望于道。文事既需于揚榷。武功又待以張皇。玉葉雲仍。頻求厚祿。金微介冑。屢促羸糧。奸邪



伺隙于門庭。莫除六蠱。黠猾借叢于肘腋。未獲三狐。  
王命急宣。嚴同霹靂。府檄狎至。積若丘陵。竟日程書。  
而疲精鞅掌。當風交扇。而炎汗流離。况當魚戲蓮香。  
未見歡酺之衆。蟬鳴稻熟。猶多苦餒之民。朱李其瓜。  
河朔之風流既遠。帝漿仙酒。德林之宴賞難追。謹飽  
德於嚶鳴。敢辭榮於寵宴。

餞蔡孝廉赴春官

鳳跼公車積抱蘊。天人之策鴻漸帝闕。致身依日月  
之光。市駿臺前。黃金招乎國士。射熊館側。綺賦駭於  
胡人。即看舉首之登朝。正喜都騎之上路。新陽始轉。  
穀旦于差。脂車欲贈于銀鞭。帳飲聊追乎金谷。長安  
日近。揚鑣聆紫馬之嘶。祖道雲飛。勸駕脩青尊之敬。  
預通襍席。肅候登筵。

冬至請俞總戎別宴二首為車壽叔作

陽回葭琯。曦輪紆狼駿之暉。威震桑丘。牙纛靜龍蛇  
之影。正覩酺歡于戍壘。僭邀宴喜于良辰。世禮龍  
韜。家承鵠印。燕然山上。曾刊染鐔之碑。鯢國波間。屢  
奉推鋒之畧。捷伐威伸於丹髮。禽俘績獻於彤庭。爰  
登上將之壇。即啓通侯之宇。霓旌就鎮。行指三山。玉  
柱臨岐。將分一水。敢陳琬俎。式張兔首之筵。恭酌青



尊暫對鷺門之勝。芳芸柔荔。影動深杯。擊劍跳丸。氣  
凌遙島。襟情高寄。想難忘。簪履之私。騶從賁臨。實倍  
壯戈矛之色。

請褚路將春汎宴

春滿樓船。擊楫聽出師之誓。日遲楊柳。采薇聞遣戍  
之詩。恭逢齊斧之臨戎。遂覩牙旌之受服。轅門馬靜  
秉羽。幸際于良辰。鈴閣鶯飛。看花翼乘於暇日。敬啓  
蘭筵于野戍。僭攀節鉞于雲臺。東顧扶桑。借箸納三  
韓之賚。南臨鬱島。浮樽折千里之衝。膾臠炮燔。愧珍  
竒于一變。蘋蘩蒹藻。載明信以為羞。歌扇未停。仍看  
超距舞衣。既止時命。跳丸使百里。騰醕賜之歡。將三  
軍沾醪。投之瀝。敢豫陳于戟下。望俯蒞于陣前。

謝朱中丞賚葛

價足越荃。聲高鄭紵。雪華奪麗。蟬翼慙輕。昔阿谷所  
遺。惟贈佩璜之女。苹澤所賜。徒歸索蔓之客。未若惠  
出上公。恩覃下士。衿堪必表。繼可相蒙。雖使赤燦掌  
節。丹衢總轡。固已涼生。舉袂爽起。披襟。

謝賚綿衣

雲襜降授。鮮服曲頒。既辟謝萬之寒。復稱張融之體。  
遂使帶繩枯槁。坐改舊容。見肘襪褸。頓更新飾。自憐



袖短每內手而知寒。彌幸裾長尚及門之可曳。

### 謝賚梨

上林縹蒂未如津潤之奇。箭谷金柯謝茲融液之美。地僊可致子橫之記。有微輕身自舉。曼倩之經猶信。豈徒煩餽頓釋。酪酏立除。但恐石城靈實不得懷歸。哀家珍果見嗤蒸食。當鑽念德取小知恩。

### 謝賚人葠

上藥遠至神草均頒。黑幹紫花淪彩瑤光之宿。三楹五葉就陰上黨之山。德著木行功齊藟卉。專愚天性遂逢益智之靈。危脆人生坐致延年之術。

### 上鸚鵡賦啓

昔彌衡觀輿流聲夏口。王粲孤擅擣藻南皮。自惟於斯無能為役。竊於觀覽之際。謬學體物之製。敷陳靡究。麗則茂聞。既類雕龍。已非刻鵠。猥承下索。輒取上呈。寒螢之突燭龍。喪其曜夜。冰夷之向海若。失厥涇流。

### 上赤鸚鵡賦啓

昔南平獻琛。袁淑頌而自隱。山經備物。郭璞注而未詳。况其學不通今。才無半古。詎能體物溜亮。摹丹質之奇。造端深美。寫赤羽之瑞。愬違嘉命。輒極幽思。目



遠遊篇 卷十一  
目  
曉已昏美顰徒效準繩何遠狂簡知裁

謝公讌

筵開魚麗過錫恩私響嗣鷺飛式章慈惠其承光下  
席似應阮之追隨布武平臺同鄒枚之接待一斗徑  
醉知誦美于昭明三爵實多但賡歌于豈樂仰瞻朱  
閣俯表丹衷

謝生日宴

觴薦流霞不慕青田之核盤行擗脯自輕黃臙之珍  
其鎗濟玳筵從容綺席應同王子奏琅璈之音有似  
曾孫與幔亭之會身登雲日非假阿瓊之方壽極乾

坤還效君山之頌

問朱公寢疾

玉體違和珍攝惟慎齊侯鬪日夢竟痊痾宋后移星  
語終延壽其仰慙告教談委蛇之神俯愧陳琳呈插  
羽之檄念逐紫羅之薦心馳緝席之壇

還肯口謝護送

昨還關津弗呵厨傳甚飭候人辟重騎士附輿故能  
朝發冶南暮宿浦汭頓驚華表有仙鶴之歸來更似  
葛陂見神龍之化去拊心已泰忽蓬累之隨時念德  
滋深徒葵傾而望日



卷十一終

遠遊篇卷十二

啓

莆田周嬰方叔著

元正賀史閣老為徐令公作

日衣青光金闕肇萬年之朔星臨翠采黃扉開六合  
之春欣四海之同風慶三閩之得歲恭惟心含泰始  
道協真符鶴禁陳猷煥陽和于居震龍樓弼化酌元  
氣以隨時會感風雲著八柱擎天之勳任崇台袞成  
扶桑捧日之勳瑤圖永賴于經綸金鑰方緘乎懿鑠  
茲者蒼精行德青帝開元榮露湛于仙盤卿烟縈于



勲伏天門曙轉逢五色之雲車帝宇宵嚴想百枝之火樹  
迓昌辰于桃華介繁祉于椿松司勲頌圭瓚以  
來釐尚食馳醪醕而遠賚雲翹舞戚春臺看駘蕩之  
暉栢葉浮杯高閣翫昭蘇之景其譜依桂籍幸攀鼎  
鉉之光地邇桐城喜炎階符之瑞薦五薰菜恪未效  
于鳧趨奉萬壽觴敬遙將于鶴立

賀吳憲長年

星杓轉歲百城回淑氣之華天牧乘春千里動艷陽  
之色集履端之首祚介建始之隆禧心協泰初德  
含元化霜凝白簡直引朱絲之繩霧徹彤檐明對玉  
臺之鏡肅王鈇以清簡嚴國憲以詳平地歌怪蟲不  
載屬車之酒天收枯魃非禋孝婦之山五典慎和百  
工率職若乃靈春布澤元祚肇熙風揚藻于青原日  
泛烟于華幄禮成容衛首行寬大之書舞動雲翹過  
布中和之樂椒花作頌看群物之昭蘇栢葉為漿玩  
初年之光麗金科丹筆普頌雨露之春繡綉緗綸即  
拜醪醕之賜其沐陽春之澤同綠草之知暉依盱日  
之光比丹葵而傾景難忘慶澤恭致賀私歌辛媛詞  
萬年之觴同悅擬陳思筆千載之宴盡娛

賡捧道蔣公年



蒼皞肇元江甸轉昭華之慶彤襟啓路天門膺戩穀  
之禧瞻日彩于燕山近年光于馬首德體震亨道  
符泰長天庭揆藻錦江清映于文心憲府宣猷滄海  
殷煩于武庫風聲遠樹紀勳闕于霜臺天保遙賡赴  
朝宗于日路若乃青衿行德蒼帝司生發風光于上  
春開甲子於新曆魚龍曼衍西京朝建始之辰羔鴈  
參差東漢會德陽之旦令傳絳幘彌行寬大之書詔  
授翠翰且列興除之績杯浮仙葉曼看原隰之鮮榮  
盤薦靈葩行覽關河之駘蕩華燈火樹將咫尺于天  
顏玉掌綠醅且便蕃于尚食某情同青草每被德于  
陽春心類緗葵自傾誠于曉日有懷燕賀辛盤霞酌  
之躬陳莫效鳧趨江鯉雲鴻之目送

南安梁太守年

景麗三朝青旆建宛虹之采春生千里銀章迎彩雀  
之禧瞻寶鼎之榮光徵朱庭之慶宴心含元氣度  
藹春陽驟紫馬之五驂政恬夜獵佩銅魚以三月風  
轉晨羊看修禮乎講堂草萊自闢覩栖糧于隴畝廩  
庾皆盈宣化而民有頌聲餽糧而士無饑色德威益  
普治行獨高茲者星始運于銅渾氣微生于玉瑄風  
轉清夷之俗賴威仰之執規煖回凍結之陰似鄒生



之吹律光團曉隰流玄澤于九陽影動春旗散和烟  
于萬戶州牧盛紫蓋朱幡之衛漢官陳鳴鐘列鼎之  
儀寶瑟鳴絃奏陽春之雅曲銅盤采露傳服食之仙  
方信萬福之駢臻諒百祥之膺受其情同黔首造華  
勝以騰歡目矚彤庭賜醪醕而宴喜出鳴蒼壁正依  
肆夏之聲坐引椒觴更闕雲翹之舞

燈節餉廖太守

南綏五嶺鳶霧晨消西抗三荆狼烟夜靜沉碑日射  
豐功將章貢俱流秉羽風恬遠績與崆峒競峙茲者  
春殷太族日麗上元萸萸盛開九陌漸稀于玉漏桂  
華已滿千門共穆于金波火樹花明然漆燔蘇之爻  
映星橋彩動鐵關金鎖之齊開年光倍美于麗城宴  
喜彌增于綺閣介純熙之百祿非關楚祀高門迎盼  
纓之繁禧靡待漢禋太乙嬰遙分淑景偏被春暉瞻  
嶺北之燈花莫隨寶騎想天南之瑞藹攝奉清尊

清明送吳刑館永孚華亭人

伏值曦躔婁緯斗指乙維桐始拂花覽百昌之曾遂  
榆方出火合萬戶以暄和雕鷗相遺曾聞舊俗鏤鷄  
交餉尚見淳風恭逢神明清襟與青天而共朗平反  
厚德將遲日以俱融正當燕喜之辰茂介純熙之祉



金觴在御采眊分庭其跡遠雲山神馳左右恭陳不  
腆伏冀慈存

三月三日候守道郭

時屆三春節逢元巳青天敷翠天采錯于柔荑鮮雲  
垂輝嚶聲喧于絳羽流波瀲灩激水環迴青女鼓歌  
鄭士秉蘭之候金人捧劍秦王置酒之辰禊飲之樂  
從來風舞之情宜蕩明公布和行惠既暢皇仁合樂  
調音式敷禮典列采眊建青旂息馬射于葦林泛羽  
觴于蘭渚乘時解袂桃花浼浼之流假日遊娛楊柳  
依依之路群生為之共悅百福於是咸臻其屬在末

條過蒙題拂雖寤寐恒縈于左右而趨走仍隔于階  
墀敢因遊豫之芳辰敬問起居之嘉祉

午節餉恤刑王員外效梁昭明體

熾日南躔纁夏天中之候景風遐扇朱寘地臘之辰  
鵬始磔蛇氣應勝殘之象鷲偏護穀物懷扶弱之仁  
千室酺歡四人宴喜鳧舟錦纜采菱榜棹之歌鼉鼓  
摻撾奪幟魚龍之戲繫綵絲兮縈棟葉彌深思古之  
情浴蘭湯兮沐芳華共有懷香之興麝騰羅扇絲續  
命而相貽梔子榴花結同心而並縮敬想臺下星軺  
遠至如乘碧漢之槎霜鉞來甸方按黃沙之獄仁流



平砥雨應澍以濯枝禁挺園扉霜不零以剪蔥指龍  
沙而高會泛蠡浦以流睇坐致神仙豈百芳之靈藥  
靜銷鈇鉞非五綵之兵繒某山國分珪徒裂操刀之  
錦河陽作賦未栽安石之榴憶常侍之玉儀跡遙江  
渚陪子桓之綠乘道遠朝歌敢沿金縷之風仰賀朱  
明之節采漢中之木藹聊侑辛盤掇石上之菖葦言  
酌芳卣

章道尊端午節

節樓授律雄風宣撻伐之威幕府迎禧武露奏安攘  
之烈朱明之景色彌輝丹徼之歡聲更暢清嚴範

物弘簡亮時舜風畫入于朱弦聲叶蕤賓之瑤盾日  
朝明于絳節法持炎帝之衡乃者師從嶺表以奏膚  
節屆天中而受祉執訊獲醜威伸雄谿雉水之間置  
戍納降澤溥黃徼赤亭之外嘉南州之炎德仰內衡  
之扶光順時脩四衛之規應節簡百官之事昌繁紀  
德合萬物以吁荼寧靜為心致五兵之卷閣錦舟競  
渡咸施爵馬之儀華鼓橫江坐閱魚龍之戲九華統  
扇遙頒玉殿之恩百舌蔽羹尚正瓊坳之席嬰欣逢  
令節悵守羈官寒杜若于芳洲徒學浴蘭之客望牙  
旗于北渚欲賡采艾之詩恭陳射粽之盤少侑泛蒲



遠遊篇  
卷一  
之筆

學道吳

離稱文象。天中徵赤氣之祥。午為火行。日下介纁炎  
之祉。遙瞻栢樹。恭酌蒲茸。四時氣備。五事視明。韻  
自芳華。擬浴蘭之楚客。體原高貴。聞嘗黍之魯儒。騁  
陸輪丹。星火光流于畏景。浮天雲白。水波瑞繞于御  
烟。川上綵舟。常樹爭先之幟。江中寶鏡。不疲屢照之  
顏。非慕神仙。笑五絲之命縷。自銷猛毒。却百綵之靈  
符。是日也。鷓鴣好音。學泮林之變響。蟾蜍上藥。參抱  
朴之方書。翟翥翔陰。尚賜禁中之扇。臬飛感氣。應頒  
尚食之羹。其喜際佳辰。悵羈末邑。金縷線獻尊之俗。  
藉手綵繒。瑤華傳寄遠之儀。馳誠絳帳。

太守梁

運啓天中。脩景熾六龍之曜。氣蒸地臘。繁禧介五馬  
之庭。朱明之景色。聿新丹微之歡聲。遐暢道隆五  
事。氣備四時。綜金璫之琳瑯。才誇鬻虎。飲玉壺之沈  
灑。度美祥鸞。赤微揚光。畏有趙宣之日。朱弦改曲。清  
傳楚澤之霜。莫五葉而敷榮。蘭九莖而散郁。綵舟競  
渡。相傳奪錦之風。葦鼓橫江。齊作采蓮之唱。楊茂順  
時而坐榻。蒼梧懷德而傳芭。百舌無陰。正賜羹于列



郡九華扇暑初迓祉于尚方其喜際昌辰悵羈下邑  
五絲命縷遙祝長生百綵靈符知迎善氣采澗中之  
蒹藻恭進辛盤騰觴內之蒲葦兼陳康酌

刑館

纁景靈長憲節轉恢台之艷朱明鼎盛法庭介第祿  
之康波雲瑞繞于非烟燦陸祥流于畏景五行火  
麗四氣陽亨黍德當先效魯儒之雪貴蘭心自煥笑  
楚客之沐芳翠幕垂暉炎德佐滿盈之象朱簾動籟  
薰風吹長育之恩斗中繩而逮召寬景修尺而刀兵  
寢連葦華屋達陰氣于千門蹋草晴原聚歡醑于九  
陌靜銷鈇鉞非百綵之靈符坐致松喬豈五絲之命  
縷其欣逢令節悵守羈官思等湘濱遺芳馨于遠望  
情同洛浦獻條達于所尊

送新

三伏令辰九炎新節百昌鬯遂萬品歡榮皆化育之  
神功長羸之大德也初登青糝五里聞香始熟黃流  
六青挫凍芙蕖搖蕩雪藕出於花間菱芰參差紫角  
浮於波內謹效獻芹之悃薄陳羞藻之儀

又

德配長羸功昭化育三江天府百昌於是遂成五嶺



遠遊集 卷十二  
神臯萬品於焉豐阜。蟬鳴林裏。玉粒既登。魚戲潭間。紫菱可摘。卷碧筒於清宴。方問良宵。浮朱李於綠波。正當伏日。輒率獻新之禮。恭陳及物之儀。

益藩中秋 章公命作

赤社膺茅。百代衍本支之慶。玉潢流潤。三江鞏盤石之宗。維城義翼乎皇圖。立國庥齊於寶祚。恭惟殿下。金枝毓秀。瑤葉生賢。帝室宗師。似淮南之道術。天家祭酒。同河間之詩書。雖地狹不足回旋。而家居惟耽為善。檀欒池竹。曾聞簡授。鄒枚芬郁。渚蘭時亦蓋隨。徐應至若風生。閭闔日在中。衡璧輪映丹桂之華。相看爽致。珠露溥金莖之掌。方賀長生。其雖隔音塵。幸同明月。紛綸情緒。每隨贛水朝宗。搖漾心旌。更逐嶺雲。送款采芳洲之杜若。庸訊清秋。搴淥沼之輕蘋。仰陳朱印。伏祈睿鑒。豈盡翹依。

中秋餉劉直指 為朱公作

日次壽星。風生閭闔。璧輪流彩。宵光避馬之臺。珠露散暉。曉綴樓烏之樹。槎臨河渚。似漢使之遠遊。地接幔亭。想魏王之高會。言念美人之隔。輒興玄度之思。素律吹商。阻交歡于燕喜。金觴攝飲。遙寄款于騎郵。惟願碧水金崎。持杯而同酬。明月黃華。烏石披襟而



共挹清醴

中秋候巡道章公

天清南紀榮光騰紅榮之間氣肅西旻瑞靄滿紫垣  
之上衢歌共慶卷飲同歡道協坤貞德符禮肅雲  
霏蘭葉播樹屏之清芬風動桂枝映垂紳之玉度潦  
收水潔澄清勳爍于三江野迴氣晶阜成功施于萬  
物天外待看倚劍滇涯遂紀沉碑玉璽加榮豈獨虔  
南半壁彤弓增錫洵為嶺表長城今白帝司時素商  
屆序璧輪垂彩宵輝鈴閣之嚴珠露散華曉綴牙麾  
之峻實延釐之令節為受祉之良辰其幸荷照臨欣  
逢宴喜南樓屐屨厲想芳興于庾公北渚槎橫瞻高遊  
于漢使青觴攝飲恭修下吏之忱絲橐可攜欲問仙  
童之獻

又

恭惟德茂旬宣勳高捷伐萬物稟遂成之則二儀合  
肅殺之功民望益殷帝心攸簡即看晉持節鉞入直  
綸扉矣白藏戒序玉律吹商月穆穆以金波流輝千  
里露灑灑以珠綴洒潤萬家文士有廣陵之大觀仙  
家有幔亭之高會賞心樂事受祉策勳明公蓋兼之  
焉其跡遠山城神馳鈴閣兼葭白露涉想伊人桂樹



涼風興思公子采柏脂于華岳用輔千齡歌棗酒于  
函詩更稱萬壽

重九上文宗周公

龍門霄峻霜橫碧海之都豸府風高氣肅金天之候  
人文共城霞晃朗元禧與軒露紛紜彩旄分輝綠芹  
能拊恭惟章合相金度明式玉人綱攸繫天垣之綰  
者玄樞名教獨持河流之鎮者砥柱積璫瑤于詞圃  
鼓吹六經澄水鏡于官方陶甄一世堂施絳帳生徒  
半是康成林似緇帷弟子欲追游夏天儀澄穆斗斟  
酌而成秋韻宇嚴疑物仰瞻而並肅茲者陽律移于

無射令節應于重陽菊頽燦金瑞繞燕居之坐萸房  
泛紫香浮函丈之階福靈應節以遐鍾壽豈順陽而  
大介龍山高宴方尋晉室之風流鳳嶺良遊還想楚  
鄉之舊事識閣中之衍慶知節下之延祥嬰感類鵲  
枝情同鳧藻澤宮丹篆未賡賀凱之詩綺閣玉繩爰  
誦虞南之賦

冬至餉劉直指三首應朱公教

恭惟心見二儀道周四極亨陽德乎金門之竹轉春  
工乎緹室之葭豸簡光寒對斗牛之初曜駉花色絢  
迎狼駿之長暉蒼琚韻叶于黃鍾白筆氣凌乎玉律



遠遊錄 卷十二 十一  
懸識徵祥之日。遙知納慶之辰。除雪出蘭。寄芳心于雲表。凌波餉襪。介景福乎臺端。

答司道

青陽載升。黃鍾初應。商雲下送。綴玉葉于日輪。景緯東生。連珠華于星紀。正萬里踐長之日。七閩同福之辰。想當協節宣陽。迎時布德。庶旗亭綺陌。長含從樂之和。岐海泉山。永賴寢兵之慶。

答路將

黃鍾啓候。青陽載升。開緹幔于室中。河葭散彩。消白雲于日下。海樹迎暉。正五校之踐長。與七閩之納慶。安得調宮聲于玉律。長聞雷鼓之音。戢殺氣于金戈。惟習雲門之舞。

郭守道冬至

繡蕩臨州。早綴五雲之瑞。碧幢切漢。潛回九地之春。肇對熙辰。茂膺純嘏。心見二儀。道周四極。韜鈴禮樂。歸武庫之洪儲。銓藻科條。受介藩之重寄。和流玉燭。正逢占氣之祥。響息銅焦。靡俟閉關之令。紆璧輪於狼駮。入愛長暉。起珠緯於牽牛。民謳舒晷。芸香複閣。開穠葉於千林。泉動重淵。衍河潤於九里。旗亭綺陌。盡含從樂之和。嶺服江區。永賴寢兵之慶。五紋紅



線入縱皇衮以非遙。疊室緹帷潛應溫綸而已。近嬰  
濫竽圭組。幸荷蚌懷。欲展賀綦。身羈案牘。恭陳貢襪。  
義附菁茅。萬物昭蘇。詎效陳思之頌。億年福履仍同。  
亭伯之銘。

王贛州冬至

春入重緹。紫馬介踐長之祚。陽生六琯。銅魚增紀瑞  
之禧。稱觴慶滿于遙封。從樂歡騰于編戶。道協黃  
中心含玄造。仁能御衆。政成糾猛之和。才任撥煩績  
奏亨鮮之譽。瞻菖望杏。勸課靡倦于星言。琢玉鑄金  
教學爰光于雲漢。黃龍望府。徵惠澤于零陵。白鹿夾  
車。播神明于淮海。長河一直。便漸千里之區。若木數  
枝。旁蔭四隣之國。於是氣更玄朔。候啓黃鍾。斗宿初  
躔。珠緯之聯正會。狼山暄景。璧輪之駕方脩。席闡曾  
恤於園扉。史區言推於寶鼎。洪鈞潛轉。惟良牧之經  
綸。陽德彌亨。識康侯之第綠。某沐融風而已。薰炙舒  
景而方新。雲起南箕。矚關河之紆曲。風生廣莫。想騶  
從之萋苴。獻履情深。徒申封人之禮。攝齊道阻。輟輸  
子墨之恭。

贛江防

青陽肇氣。雄州嘉陽德之亨。玉瑄回春。虎帳握天工。



之煥光分下國慶溢遙封道配乾初德承坎次引  
商刻羽郢中推寡和之音樹蕙紉蘭楚澤擅衆芳之  
秀心裁高下帶雪巘以齊清政布中和與瓊枝而比  
潤訟庭花爛是黃霸之溫良戰壘鋒消有徐平之威  
重星連珠曜候啓黃鍾江樹迎暉日下之白雲已掃  
河葭散彩室中之緹幔潛吹實千齡納祉之辰為五  
校踐長之節其欣逢道泰幸際時亨繞澗討芸輸芳  
心于鈴閣凌波貢縷綏景福于戟門

吳節推

珠杓北指法星輝朱鳥之宮金翼南飛瑞靄集神羊

之署先春慶動下邑歡均象近玄文神知寶鼎陰  
陽從律龍門嶰谷之聲天地為爐金科玉條之憲鏡  
懸聽斷風留紫陌之棠觚破爰書露洒青山之竹弘  
譽髦於造士旋璧之水涵天弼禮樂以字人投金之  
山倚漢黃鍾動籟緹幔飛灰經綸遂轉乎春工淵靜  
彌亨乎陽德觀臺花早仲言詠繞乎緋梅夜燭光寒  
盛吉情垂于丹筆周官繡節迎狼駿之長暉漢禮絳  
衣對斗牛之迴曜福徵戩穀祥卜多螯瞻采眊于修  
廊賀綦道阻矚榮光于麗日獻履情深

生日荅司道二首朱公命作



玉衡北指玄武高臨。莫羨舒榮。歷春秋之四紀。桑弧  
懸映。適鑿揆之重逢。日月光華。戴照臨於復旦。乾坤  
悠久。寄金石于大年。尚賴分陝良規。弼皇祚靈長之  
慶。寒帷雅化。暢函生仁壽之禧。

荅路將

天策星高。正協玄英之紀。桑弧歲轉。偶聯畫蕩之榮。  
回遡春秋。戴生成於帝德。平看日月。憑冶鑄于天心。  
所願碣石消烽。介三軍之同福。扶桑浴日。衍萬里之  
純禧。

賀林虔院生辰

青衢曦轉。節樓含萬象之春。丹絳恩馳。鈴閣肇千齡  
之旦。慶布和於夏正。慶燕喜於周詩。精儲昴宿象  
應。台階鐘鼎清時。掩珥貂而蘭蔚。羽儀皇代。挾鳴鶴  
以霞騫。黃鉞凝霜。彈壓盡蠻方之險。赤莖若日。膺懲  
壯幕府之猷。聲教四馳。繡錯勳歸於秉羽。威稜遠懾。  
鈎連勢負於在山。茲者青帝開元。蒼精行德。榮光出  
露臺之上。卿烟生寶鼎之中。弓掛扶桑。初映懸弧之  
早。籌添仙屋。正逢得筭之多。甲子彌賒。春秋俾富門  
看九滌。何君時餉金丹。家接三壺。徐福又呈銀籍。萬  
靈鼓舞。盡納元和。百姓謳歌。咸躋仁壽。某伏承巨蔭。



恭賀修齡五百歲。莫春盤根齊於寶祚。三千年桃實留核付於金精。謹馳一介之將。少效九如之頌。

守道郭天門生日

日抱黃輝。天象方徵於勵翼。星華練影。帝符正會于長生。祥流六轡之絲。歡集百城之綬。扶輿間氣。鼎宿儲精。銓藻天崇。斗極煥璣衡之色。保釐地迴。江藩騰榮戟之華。才有兼弘。解醜聞於遊。及神無滯用。應變捷於發機。洞民隱于枯苗。時發袖中笏。簡懾神奸。于伏莽未煩。柱後螭文行看秉鞭。牧三楚之彊。三旌增秩。建旆制五溪之險。五釜鑄銘。肆今極宿之炯。當霄申甫之生。此旦山憑樓蓋。真人有金鼎之丹。來近雲陽。仙聖定瓊宮之籍。繡裳動而雁鴻轉。八表昭蘇。玉衡得而麒麟生。萬人仁壽。微忱有懷于金石。善禱欲效于岡陵。敬諭木公。共薦五芝之實。恭馳瑣隸。攝奉九霞之觴。

壽梁太守

長羸氣合。熙朝資命世之英。師帥勲崇。純嘏介自天之祉。躋八荒于壽域。肇百代之皇圖。曜炳辰精。靈鍾瀛海。堯年感夢。篤生徵白虎之祥。鄴日應祈。誕啓表玉麟之瑞。一暮紫馬。嘉禾神雀。頻來千里。銅魚膏



兩仁風徧被政既修于禮樂境益足于農桑百姓為  
心猶軫如傷之視萬人仰祝爭抒多壽之詞地湧丹  
藁茲辰始旦門看綺李此日方春金科蕩永錮之條  
啓侯封于有永石室注長生之籙偕國祚于無彊凡  
百仰瞻有萬踴躍其伏承遠蔭恭賀修齡儀徒致於  
美芹頌欲賡於茂柏家乘朱輪十乘從容帝殿之星  
辰居鄰銀闕三山遊戲仙家之日月

酬劉直指賀晬

唐韻晬周年子也  
公命作

三首為朱

郵騎至止筐篚爛然玉果盈盤貺來琳國犀錢委地  
光下月臺但元歎異才寧望伯喈之譽公孫豐下尚

徵叔服之言遠荷嘉儀稍將謝悃執梅可遺命越使  
於梁庭報李太輕愧官師于衛雅

答唐鑑江僉憲

賀兒晬及生日

恭惟德協廣成迥崆峒而上托道均曼倩睨寰極而  
下游玉鳩戢羽于杖間青鳳刷毛于海上戩穀如月  
遐福自天某懸蓬逾于四紀徵蘭浹于一周靈樹大  
椿未審莊生之說天麟雲鳳安同徐氏之奇遠錫多  
儀動烈光于牙燾魚貽善禱騰休瑞于庭階縹函同  
金簡之編繡段忸緇衣之好來茲增筭方驗羨門之  
稱異日學箕當取太真之姓



荅蔡岐山戶部

大雲五色騰休氣于漳河。垂露八行貴榮光于清署。  
惠均九轉錫溢雙南。足下麟閣羽儀。鴻都領袖。海上  
蛟龍之氣。旦射熊熊。漢津星斗之光。宵飛燄燄。荷衣  
蕙帶。疑建禮之懷香。荃壁葯房。似明光之起草。其三  
閩節鉞。雅知大國之風。四海弟兄。獲結皇州之侶。商  
瞿年長。門方映乎桑蓬。顯頊時來。度又逢於覽揆。顧  
非麟趾。詎匹鵠年。德類命名。已奉中郎之寄。歎岡陵  
善頌。尚思櫟社之延年。

賀閔方伯子鄉薦

三首為徐令公作

雲綺紫微。鹿較奏价。藩之績日。華瓊藉鳳毛。蜚聞世  
之英。國寶頻輸。家聲愈耀。德冠龍雲。勳隆鳳轄。金  
莖露湛。體和理于玄黃。珠樹霜明。揚清規于黼黻。內  
蕃萬里。凡神姦民隱之盡知。外撫百蠻。豈智名勇功  
之肯炫。紫府荷温綸之寵錫。赤墀陳納陛以延升。遵  
陸飛覩于鴻儀。在陰和聞于鶴子。鮑家驄馬上京垂  
顯世之光。崔氏雕龍東漢。侈傳家之盛。一鷄橫飛于  
遠昊。二龍並御于長途。是知玄圃騰輝。屢獻白虹之  
寶。滄津折溜。常輸明月之珍。巖縱滿于黃金。何似一  
經之教。環魯傳于白玉。必聯三事之榮。



賀學道子鄉薦

豸角觀文入冶列南金之品鳳毛接武聯標賓東箭  
之竒慶合蘭封歡殷梓里雲漢為章日星作會鏡  
懸高殿照萬品之妍媸樽置中衢任群心之斟酌緇  
衣彤管三年成化俗之功玉色金聲千載仰作人之  
烈龍門之登不易獨峻羽儀鯉庭之過何私惟聞詩  
禮謝階玉樹橋與梓而相輝王學青箱書將人而并  
異鵬振翮于冥海鷁矯翰于高霄人羨象賢史稱傳  
業鮑家駟在蹀紫路而彌工荀氏龍興騰碧雲而方  
始其閩國欣聞擢桂長安行賀看花芝蘭在砌桃李  
在門楨國名流于奕葉周公拜前禽父拜後世家榮  
冠于春秋

賀延平周司理子舉孝廉

節臨龍浦彤雲舒澤國之春藻發鯉庭頽日射天門  
之榜象賢不匱燕翼惟新統垂有穀祚錫承橋露  
湛棘林虞經之傳有詡風清蒲楚陳寵之嗣且卿父  
老高東海之間奕葉更遠神姬錫少卿之簡祚胤彌  
昌詩禮風聞蒸哉國寶箕裘能紹籍甚家聲獬角觸  
邪方續鍾岫後賢之傳鳳毛接武又光虞溥典錄之  
書豈徒濟美之科名已卜繩家之忠孝桂飄月殿初



蜚青海之英。花滿長安行。冠金閨之彥。其結綬身依。  
 于桂籍。彈冠神往于蘭階。世禪雕龍。既羨安平之承。  
 業代乘。駟馬更看鮑氏之光朝。

荅鄖陽胡襟寰巡撫應朱中丞教

憲節凝霜。鳳彩絢蘭臺之上。將星見軫。鷹揚綏楚澤。  
 之西。功懿葱軹。名光鬯卣。天興良弼。嶽降精英。抱  
 薑桂之心。共讓衣冠。舊齒負梗。楠之器。咸推舟楫。宏  
 才。萬里彤駟。彈澄清于攬轡。三年玉帳。攄彈壓于運  
 籌。西望方城。協葉公之免胄。東瞻峴首。懷羊叔之輕  
 裘。秉羽風恬。遠績與章。華競峙。沉碑日射。豐功將漢  
 水俱流。其共剖麟符。並登烏府。恭承惠問。如分漢曲  
 之珠。遙奉清音。似抵荆山之璞。疆場彼此。徒勤朗月  
 之思。行李往來。輒寄行雲之款。

候前王撫臺為徐令公作

元帥勲隆。紫海紀澄清之勩。帝師範遠。赤松尋開曠  
 之遊。感陶鑄于天高。諮興居于霞起。哲人聲望。命  
 世勲猷。手浴日輪。正色櫻龍鱗而立。身扶地紐。豐功  
 斷鼇足而馳梁。叱鼉鼉神畧震天池之險。幟驅雕鷲  
 陰謀。驚幕府之靈。八桂二桑。貫胸受事。東鯁邪馬。厥  
 角來王。誰明鞅掌之勞。未竟鞠躬之志。篁山桂渚。雖



協趣于滄洲。樞閣綸扉。尚資賢于柱石。四海之心。有屬九重之眷。彌殷恐孔席之未溫。又荀環之遽召。其職同牧馬。政異亨鮮。守疆場而自競。邊蠻方而已。恐謬勤推轂。譽屢至于彤庭。廣荷闢門。恩獨隆于赤縣。若此生成之大德。敢忘銘勒之私衷。弱羽排雲。曷酬施于曉夜。涓流赴海。徒馳溯于朝宗。伏願玉體安和。金相保定。蒼生在念。慎筮。游緇綽。乍承紹伊康之翊戴。再匡函夏。司盟頒刑馬之盤。重豎巍勳。含識感恩。羊之竭。

曾餉科啓 應遼寧都人

楓宸天迴。中樞司雨露之恩。蘭渚神深。西掖掌絲綸之美。嘗任稱彤庭之望。轉輸允牙帳之瞻。精儲川岳。道匹官蕭。翔鳳飛龍。咸遜濟川之大器。白虹紫電。誰云雜佩之恒珍。玉繩低鳩鵲庭中。紅葉麗鳳皇沼內。入廬珥筆。英才欽五字之謨。奏事含香。直幹映萬年之樹。論思甲帳。同軼草之倚雲。獻納隆墀。有階奠之紀日。頃因師命。出繕軍需。原隰皇華。五嶺見鑣馳之勩。海陵紅粟。九邊資輻輳之供。豐功既奏於聞天。竒績即躋於維月。某謬從下士。試宰上猶。燕雲靡灸於清輝。祇勞翹想。江嶺每承於英檄。未副考成。茲聞



玉節南移雪色映瓊璫之式朱旌遠指梅花紫騏駼  
之塵未能負弩矢以先驅僅肅馳芻秣而扞牧

又

恭惟忠貞天植剛大性成諷議瑣闥之中獻替宸軒  
之下諫草成而藁削讜言進而計行泰山觸石之雲  
雨施天下太族入管之氣春滿人間既已然矣若乃  
雲護簡書似乘槎之奉使風馳轉餽均流馬之輸軍  
功不隨陵谷共遷名且與曦舒俱遠者也萬里過枌  
榆之社不覺地遙九春歸鼎鉉之司又看天近某濫  
竽末壤景仰高山未將魚素之供徒屬龍光之迴敢  
馳下走仰訊興居綠藻可褰藉披翬翬紫樞在望祈  
鑒區區

答王銓部三重南康人

華省仙盤久遜名通之銓藻桂山莎逕方留勝達之  
栖遲公道將明正入嚮用捧瑤華而有喜披蕙問而  
知榮品貴南金名高東璧雄才逐日遠追驥駟之  
鑣迅翼搏風早遶鸛鴻之侶明光天迴握蘭兼侍史  
之香建禮神深起草曳尚書之履操能止競豈牧馬  
于私庭功著檢裁尚附蟬于華貫取士牧歌之勝範  
翹材琴釣之清規進思有夔龍之忠退食懷羔羊之



節自浮雲蔽日。便抽中禁之華簪。迺欽風賞流。共仰  
東山之赤舄。况蒼生每望名賢之起。而紫庭又勤誓  
御之思。駒翰雖引。避于谷中。鳳詔已趣。歸于天上。嬰  
簿書初習。未遑執玉于龍門。贊幣有輝。乃荷投珠于  
雀室。循躬知愧。延首難忘。一水盈盈。側想巨源。于丹  
地九春渺渺。將披彥輔之青天。伸側理而陳詞。敢請  
逡巡之咎。采撚枝以代匱。微將襞積之忱。

通大行扶允常大庾入

赤縣有五。歲動輜軒之駕。彤庭典客。星占英蕩之移。  
入綴鵷班。出瞻鳳舉。足下祥發梅巒。名高桂殿。五精  
鑄異。騁紫電之雄鋒。三棘岳輝。抱白虹之秘寶。采風  
貢俗。人羨便蕃。諭德宣譽。予曰奔走。天孫內織。曾隨  
八月之槎。縣令先驅。亦負三川之弩。四方專對。正得  
誦詩六轡。周咨非關好事。求金馬碧鷄之瑞。靈異來  
臻。入銀貂玄蟬之班。清華坐致。某待次上京。獲承韻  
宇。官遊名壤。益慕景行。過宅里之清華。有懷人遠。睇  
星辰之掩映。悵望天高。不覩龍光。况踈魚素。北山有  
杞心。傾輒議之班。芄野采蕭。夢繞靖共之地。輒因末  
走。附訊興居。綠藻可搴。言將悃悃。瑤華堪折。遙寫襟  
期。



為熊兆履作謝文宗旌獎孝廉

一代龍門望隔絳紗之淑艾九霄鵬翰驚岳華袞之榮褒寵賚踰涯恩侈府人之受風聲樹美感深國士之知恭遇柱石九筵權衡百度返頽波于名教五山宗泰岱之尊追正始于斯文積晦啓曜靈之旦粉米藻山之色異會作袞章都那敦洽之影殊精歸鏡別人間威鳳既裁成帝世之典墳殿上夔龍且制作皇家之禮樂其少知誦諷竊堅慕古之心長遘艱虞經守立身之義隴枝長撫慙無輝璧之馴鳥澗水時經愧未投錢于飲馬徒以跡辭不徑過蒙茂宰之嗷吹

于是事徹隆墀謬荷德音之獎借稱為翹楚珉質既厠于瓊瑤賞其風激寶貺又頒于鈇銑粉榆舊里臺符入而光搖蓬華私門槐楣施而色動初蒙顧盼頓增十倍之聲華一經品題便作千秋之佳士昔太守刻會稽之石用旌義里之賢北海發高密之倉爰助德門之繕其修操殊慙于陳鄭荷慈特過于孔周徒瞻朱閣之崇嚴仰謝丹青之光飾觀鴻漸象敢不圖清遠之儀誦雄雉詩庶無負名賢之教

酬鎮江守許孟葵 朱公命作

直榦百尋澄波千頃圭符綠組建師帥於南徐繒蓋



朱轡樹勳名於北固。飛蝗避境。無爽昔談。神雀來巢。有逾舊說。緬維榆社。獲托棠陰。里異西豪。頓改高陽之號。門非北海。驟傳通德之名。加以緋素照臨。玄黃焜耀。高情披朗。如抽綠綺之琴。淑貺綢繆。未將青玉之案。因逢驛使。爰報美人。渤澥方寒。不隔飛馳之思。金焦可望。頓勞夢寐之心。

為丁君榮上閩太守

擊雷鞭電。靈心彰震疊之威。揮日反風。神德著迴旋之力。隨魔可放。聞往策之歸仁。投兔或先。仰前經而屬望。其一經自守。三尺是遵。義禮頽心。寧倚丹梯于

董傅。榮枯委命。詎行金壁于鉅屨。特以屢叩九闕。仰希一顧。志存雲致。忘龍領之難櫻。念在風乘。謂虎鬚之可捋。文宗赫然震怒。罪以清狂。曾子斂襟。乃見疑于慈母。顏淵攫甑。未獲諒于明師。叔向何辜。為不智而離罪。門生見法。實無學以庇身。然而偉元臨岐。免門生于執役。祈奚乘駟。脫叔向于纍囚。况疾痛慘悽。必呼父母。勞苦倦極。亦籲蒼穹。敢望仁心。稍為緩頰。庶婆娑殘樹。復綴葉于陽春。摧鍛驚禽。更植毛于外翼。

狀



舉張大賓狀

前宜黃令張濤神采岳凝道襟淵邃芳年講藝早彰  
 直諒之規壯齒蜚英仍守端方之操迨牽絲而入仕  
 歷製錦而字民胸包理劇之才江湖非險家傳治縣  
 之譜勤慎為先聽斷則號神君拊循又稱慈母金莖  
 露湛非無拔薤之風寶鼎器洪尤擅烹鮮之度詩賡  
 素絨生魚留犢之清修歌徹朱絃馴雉舞鸞之雅化  
 吳江天曙鄧侯之舸難留彭澤歲寒陶令之冠已掛  
 緹帷素瀨餐露可以栖遲玉海金波然密益多著述  
 先產畢推于棣萼餘波更及于粉榆坐對月而成三

崔羅久施門巷出與馬而為二羊車不至城闔人咸  
 想其光儀莫瞻鴻範天實祚於明德殊有鳳毛詩禮  
 夙傳象賢不匱箕裘有紹燕翼惟新信邦欽純壹之  
 人而鄉稱不二之老者也尊賢尚齒應崇右學之儀  
 經地象天式重東榮之禮

為蒲州諸生舉鄉賢狀

施法流仁先正得雩于太社策功序德名臣咸秩于  
 明堂蓋曩代之茂規亦清朝之隆典竊見本州故通  
 奉大夫陝西左布政使贈太僕寺卿李公名養質字  
 從樸道任汧隆才經夷險英齡解褐温飽無心弱冠



牽絲澄清有志方辭京輦試宰封丘地狹苦于民艱  
城堅虞于河鬻公金隄止宿負薪當河伯之菑圭竇  
巡行授藥過大陵之診劬勞更百餘日全活蓋十萬  
人既徼綸綽于闕廷爰徙軒綏于雒邑此地民憂養  
馬野有飛鴻公勞來拊其離鄉捐貸歸其鬻子法行  
寬大翦韭復生聽有神明削桐自踊教學興禮璧橋  
舞王阜之鸞摩民以仁綺陌馴魯恭之雉於是含香  
青瑣珥筆彤墀排闥昌言請正銅龍之位立朝正色  
何知路馬之芻繳大鳳以成群共羨回天霜肅斷脩  
蛇而復續豈圖蔽日雲浮一出王都方事先疇以稼

穡久淹子舍又綠祿仕而馳驅辭富居貧以學為政  
爾乃橫經東序訓胄西雍惟兢業于人師豈優游于  
吏隱既而瞻依頓失日月既除受職地官抒猷郎署  
筦權則濬河不侵于農作督繕則運石若出于神工  
商有輸租益勸之饒國有省費不貲之利建十議為  
舉朝所是進九列為當事所憎於是建節密雲則授  
牙登陴却要挾之虜婦移旌洮固則陞山羽獵驚竊  
發之狂酋班馬而上駟彌原椎牛而餘金盈帑制田  
勸學鴻生之禮樂興焉墾土開屯虎旅之樵蘇積矣  
于時逆璫竊命幾漂填壑之波初服杜門幸免薰穴



之焰。迨聖世議清之日。正君子道長之時。爾乃秉憲  
河藩。備兵磁隰。雒陽父老。扶杖迎將。境內奸徒。聞聲  
遠竄。訓練而四營。賈勇一變。旌旗發徵。而三盜悉禽。  
希聞枹鼓。於是樹屏陝服。作牧涼州。并鎮孤懸。逆酋  
狂逞。公籌筭素定。投袂興師。部署已明。擐甲出戰。黑  
山道上。置陣三門。白廟原前。斬首八百。至于受降城。  
築號為西鎮。藩籬永興。渠成又垂。秋方利賴。驍騎駢  
服。騰驤者千八百餘。亭障烽烟。聯絡者萬八千屯。  
鹽糧料積貯。皆可十年。鎧甲鞞鑿。增造咸稱。萬計俱  
因。節省之美。非關賞餉之贏也。公既以盡瘁思歸。翻

以中讒得請。促裝曉發。星未隕于營中。衣繡畫行箕  
已騎于天上。惟公賦資剛毅。受性直方。忠孝不虧。始  
終無玷。雖通籍四紀。而強半家居。入有布袍。晏子之  
裘。猶侈出無駟。蓋顏公之馬。為煩。桂渚篁山。既從容  
于麗矚。崔澤蒸藪。頗罄歎而詳言。仁厚以宅心。醇謹  
以制行。分珍五鼎。孟軻有固極之思。受粟萬鍾。曾參  
有不逮之感。義田義宅。以贍貧宗。義井義林。以資貧  
里。寔者貸之。而盡焚其券。鰥者室之。而多蕃其宗。皆  
豐功之鑿鑿。不磨盛德之班班。可紀者也。昔庚桑瑣  
隸。畏壘祀賢人之間。臨碩末生。高密配才子之社。况



公勲銘陵谷。德百庚臨。豈可令學宮之旁。不崇響像。賢祠之內。未煥几筵也哉。公樹德務滋。誨人不倦。葺河中之書院。雖山路迴而莫之起。郭內之講堂。乃學舍聯而畢聚。其等以典刑在望。生前式仰其羽儀。棟宇巋然。沒後尚矇于蔭映。豈有賴其末而不知其本。循其道而不報其人。國有彝章。恒重將蘋之禮。士懷舊德。難忘釋菜之圖。昔諸葛民譽。成都陌祭。石奮家行。齊國社禋。然皆謠俗之私情。未出憲臺之公典。竊懷愚悃。冒請嚴恩。庶幾蒲坂新宮。龍門故里。遠與仲淹而作匹。近將襄毅而成三。

又

竊惟芳規者前哲之景行。清議者諸生之直道。範模攸寄。尸祝何私。李公功著彤弓。名光金鑕。言為士範。德作人師。其等雖推舉之至。公實揄揚之未盡。謹加詳核。再為披陳。按公建禮辭班。封丘試宰。地狹難張。其舞袖城巖。新發其庖刀。冰在玉壺。方茲清白。露溥金掌。差喻醇和。拯萬姓于為魚。非沉白馬。起千家之札厲。不藉青耕。爰換大城。量移雒邑。折獄而鼠牙俱服。賑饑而烏面皆甦。安輯流亡。頻布發棠之惠。抑摧豪右。仍高拔雉之風。徵發租庸。底慎幾于豁白。品題



文執衡鑒出于驪黃仙掖升華瑣闈供奉時則青殿  
建撫軍之號黃扉蒙覆餼之譏簞簞不飾之守臣城  
社有憑之佞倖莫不批鱗上請累疏不休鳴鳳矢音  
孤忠自許忽中十夫之揉輒為千仞之翔畜石開泉  
效考槃之獨寐誅茅種樹歌叢桂之留人而祿養靡  
資恩勤欲報就芹宮而振鐸入槐市而橫經纔藝稻  
梁遽傷莪蔚風木不靜燧穀頻更乃作屬于司空得  
執秩于元士摧材陸海濬河知人牧之恩督役三山  
驅石似神仙之術費省而民不害功成而賞不沾爾  
乃建旌榮于憲臬之川奉簡書于容臺之塞申警軍  
實戎行將劍戟皆精逆折虜情內餉與金繒並汰歷  
要害而設險簡猛武以當關稽核侵牟幕無容奸之  
地節縮物力軍有積羨之儲市騎而馬盡上襄置陣  
而士咸朝氣海陵紅粟邊氓支荒饉者十年畿輔青  
原學士資饗殫者萬畝沉碑在潮河川腹勒銘著石  
匣山頭不圖直道難容高名得忌公復拂衣長往洗  
憤自怡中條山間麕麕作侶王官谷裏沆瀣可餐城  
市非轍跡所經軒冕雖足音難至而公道不泯正士  
復升秉憲關陝之西備兵洮岷之表五原要地紅虜  
時窺萬里長城壯猷如昔徵兵獵獸出塞射鷗按兵



法于三日之中。曜威稜于四遐之外。既紓虜患。爰起屯田。倉積贏餘。人無乏絕。流移俱歸。而復業。戶口日占。而成都息驛。傳之踐更。謹邊亭之斥堠。閱邊陲險啓處。殆無遑時。增墉浚壕。補苴靡有寧日。身臨擅帳。狡虜見而魂驚。馬度關山。戰士聞而氣奮。更以中奄之睚眦。又見東山之栖遲。時既清明。道方登用。三仕三已。關生無忤于顏。屢召屢還。汾陽益宣其力。豹渠十二。龍鱗涵漳水之波。雀關三層。駟牝鄴城之牧。茶舒增甲。五隊之兵。轉強。赭汙衣裾。四封之盜。遠竄已而。旬宣全陝。控制西寧。銀反兩酋。糾結二虜。窺我甌脫。欲闖滄瀛。公籌畫已成。兵食交足。握麾制律。授戟徂征。青海紅崖。羅絡三千。睥睨黑山白廟。斬獲八百。髑髏弭釁。焦爛之先。定變咄嗟之頃。城藩西鎮。安可計于百年。渠浚永興。利足垂于十世。侯亭增築。千里而遙。戎器修除。百需無闕。驍騎千乘。被鐵甲以騰。驤死士十營。散金錢而募致。蓋清兵汰餉。坐致豐饒。剔蠹梳奸。漸興積儲。故當二運。告乏不致呼庚。諸虜生心。式資授甲。雖封疆之吏職。實社稷之誠臣。解組東歸。丹轂幾淹于卧轍。騎箕上列。金刀頓惜于掩鍤。維公器宇端凝。言詞溫粹。履忠蹈孝。揚義飛仁。官舍



鷄鳴榮一鍾而盡孝。垤皇鶴叫悲五鼎而盡思。葛藟  
芘根。松蘿糾族。家分畝隴。足給饘飴。人假闔廬。堪違  
燥濕。發居老姊。迎養終其天年。背德懿親。含弘憐其  
孤子。至于鄉多貧子。巷有窶人。寒每授衣。饑多散粟。  
焚券非孟嘗之市義。營棺均黃霸之流慈。誰假埋柴  
墳。起青山之嶺。居然蔭暍。井垂素綆之絲。林有緇帷。  
吐德音以獎後進。池生綠藻。建義學以育英才。提攜  
者後。皆石室之英。識賞者竟作金閨之彥。人稱武庫  
代號文宗者也。其等仰止高踪。低徊遺愛。敢乞一鄉  
之祀。以存百世之師。詞若既窮。誼不容已。昔漢之百  
辟。卿士詔書使。裕于几筵。周之三事大夫。禮典得臨  
于俎豆。公八命作牧。九列為卿。蔚為名賢。有光邦國。  
且正學與仲淹比。邵豐功將襄毅。齊驅禋于澤宮之  
祠。以並馨宗之配。僉曰允協。非敢阿私。

為蒲州父老舉鄉賢狀

東齊有樂公之社。蒞藻莫於曉光。南昌有徐孺之亭。  
生芻陳於秋霧。是皆功無尺寸。德只尋常。而血食人  
間。香火後代。况函生食其福。芘社稷倚以安危者乎。  
本州故太僕卿李。性行淑均。神資超邁。少登黃甲。  
早綰銅符。宰封邑。則河伯縮流。厲鬼却道。調雒陽則



流民歸業。驛卒息肩。遇盤錯而即剝。處脂膏而不潤。衣冠權族。每驚縛虎之威。鉛槧諸生。自服割雞之化。掖垣日近。忠格宸楓。省闈風生。名留諫草。既遭蜂螫。旋反蝸居。直繩未效於鷹鷂。反哺有懷於烏鳥。燕都首藉。坐有青氈。胄學茆芹。人環壁水。風樹不停而含恤。日月有既而之官。莞推則能惠商。營工則能省役。迨乎以臬司臨薊密。以憲節鎮岷洮。虜婦膽落于臨關。狂酋心寒于出獵。千重阨塞。險設金湯。萬隊威稜。營馳鐵騎。屯兵有超距之樂。儒生有弦誦之資。毳幙自逃。金繒悉省。雖讒言屢中。而直道自伸。河北建麾。則兵精盜拜。湟中授鉞。則戰克敵摧。築護番之城。策彼之不侵。不叛。濬永興之瀆。俾中之可守。可耕。買馬募兵。益壯三軍之氣。興屯製器。將遺百世之安。既盡瘁以危軀。乃乞歸而乘化。當其屏居桑井。息偃林庭。服止鹿裘。身靡殊于素士。行無騶從。人誰識其清卿。義井以惠。暘人漏澤以藏。枯骨鰥者歸之。以伉儷。饑人舖之以饘糜。假葦葭草。德為仇而不校。損貸榆里。券雖析而恒焚。宗食衣其田租。既有聚廬之托。士優游其學舍。更承講藝之勤。兩施真喻。三春河潤。非徒九里民等。泳游膏澤。欲立遺愛之祠。懷想光儀。願合



先賢之祀。况復茂巖廊之碩望。總屏翰之劇權。正直不阿。清白無玷。盡心于國。利無知而不為。任重于時。事雖難而必濟。惠澤加于九塞。謀猷紀于三朝。國有大蒸。已當配享。鄉修肆祀。可不兼禋。倘沔水之濱。許祭諸葛。會稽之廟。命續延陵。庶幾風御雲旌。魂魄遊于虛寢。歲時伏臘。村翁走于裸將。

又

民等少游鄉序。曾誦禮經。竊記祭法。有云。先王之制祭祀也。法施於民。以勞定國。以死勤事。能禦大菑。能捍大患。則皆祀之。是以古之賢人。咸膺祀典。竊見本

故通奉大夫李德業。勲名當今。罕二才鋒。聞望

在晉。無雙。民等舉入鄉賢。用彰激勸。蒙行勘報。敢再

竄陳。大夫初宰雷封。屢遭天沴。城餘三版。對河伯以

身當國。啓元門。索厲妖而親格。頻濟陽九之世。所活

千億之人。是之謂能禦大菑者也。請建國本于漂搖

之日。疏逐朝右于洪忍之時。司權而供億。不虧督後

而廟宮俱落。是之謂以勞定國者也。東備密雲之兵。

西鎮洮岷之塞。河湟甘肅之域。既屬經營。并涼寧夏

之區。亦歸控制。其時干戈不息。烽火時驚。大夫智勇

兼資。忠誠奮發。守邊則規模頗牧。用兵則彷彿孫吳。



破陣塞旗。斬首捕虜。羌狄辟易于千里。士馬恬熙于四時。且其畜水興屯。規百世之利。蒐卒補乘。屹千軍之雄。亭候無虞。邊鄙不聳。是之謂能捍大患者也。鞠躬盡瘁。至嘔血于居邊。干象墜星。遽隕身于歸里。是之謂以死勤事者也。大夫慈仁孝友。族人之田里。取分任恤睦姻。里中之生死無憾。德柔強禦。恩遍貧鰥。書院以育譽髦。義學以陶寒畯。人稱水鏡。衆仰典刑。是之謂法施于民者也。稽其美業。一一有徵。合之禮經。班班無爽。然則圖繪于學宮之側。誰曰不宜。俎豆于賢人之間。是知允當。民等咸生草野。不識公庭。謹

合月旦之評。永賜春秋之享。

記

東蕃記

大壑之中。有彭湖之島焉。若夫氣歛天末。霧霽海東。每見攢峰連雲。遙林如黛。蓋古裸國也。是為東蕃。順風揚帆。窮日至岸。其地為起鱗卷。打狗嶼。小淡水。大封坑。鹿耳門。沙巴里。雙溪口。伽老灣。家哩林。臺員港。徃徃比竹為居。別有國俗。編茅成瓦。偏類幽風。列屋參差。聚廬相望。皆野女群行之壤。裸人安土之鄉也。其人畏舟楫。故不交關。諸夷其方無文字。故不通贄。



中國被夏后之過化。故無淫侈之習。得混沌之遺意。故無君長之治。類聚為社。社如中邦之縣。群分為族。族同內地之宗。社有寡侶。眾民族無弱宗。巨室喜鬪。而易動。疾戰而輕解。起則兩社相攻。休則親戚不讎。斬敵首者懸之門。多鬪。鬪者謂之武。無他兵器。獨恃鏢鎗。柄竹飄疾。鏃鐵犀利。出則擁鏢自隨。如倭以刀為佩。耳倭矜長刀之伎。彼擅鎗鏢之法。故倭雖謀之不能害也。方幼無事。習走為業。走則足趯趯而先。馬跌蹠蹠以拍臀。履屨不異平原。蹋棘以為弱草。男子黛黑。卷木葉以束其陰。婦人白皙。懸草花以蔽其下。女執操作之業。當代丈夫之勞。據木免身之餘。流水沃背而已。男飾在於翦髮。女治由乎斷齒。將嫁者自誇其麗。欲室者自擇其娃。晨入婦家。委傳璣以為聘。夜叩女戶。彈口琴而請入口。琴者樂器也。考則不鳴。質類金鐵。鑿之以鼓聲。若絲桐。女賞其工。因納共寢。未明輒去。既夕復來。迨女產兒。乃子其壻矣。女子謂之胤嗣。生則倍歡。寡婦號為鬼殘。嫁終不售。食用走獸之肉。不嘗飛鳥之味。畜鷄射雉。惟取尾以飾旌。執豕捕鹿。則置斝而登俎。燕會席地。男女間坐。中置壘樽。酌以竹筩。其肴刻鹿不腊。生魚不燔。視其腥血流。



雜詫為鮮肉其美酒酣亦傲傲屢舞嗚嗚為歌自謂  
至樂也。華客至者男子行酒婦人擘脯客為強食則  
喜微有難色輒笑之。客餽大布之衣色以緋綠埏埴  
之器繪以花卉傳觀之以為奇。藏去之以為重。衣必  
優笑而始服。器遇宴樂而乃設焉。不知紀年不曉改  
歲以月滿為晦以花開為春繁霜鋪不為之寒金石  
流不為之暑死則擊鼓而哭之炙其屍于烈火不棺  
而度之。壘其腊于居屋敞廬既傾乃瘞屋基之下。宮  
功重執仍覆坎屍之上。無祭祀禋賽之禮。無鬼神巫  
祝之崇。其所拘忌獨在耕稼于時男女雜坐默然無

聲。亞旅相遭委而不問新穀既升滯穗悉拔然後休  
儻猶故。喧笑復常。其禾畬種而水耨事寡。其粟粒長  
而風吹聞香。其竹修巨而任為梁楹。其木拳曲而不  
中繩墨。胡麻薏苡足以引年。番藟躡鷓足以除饑。山  
峻高以礙鳥谷深翳而藏獸。熊狄可皮而寢。虎豹可  
尾而狎。麋鹿決驟千百成群。林澗寒肅持鏢共拮。鏢  
無虛發。中多壘。雙追及走險之原窮其擇音之處。日  
暮乃罷。朝至復往。使之填委崖谷積若丘陵。於是從  
華人而求貨。共入山而舉犖。番人珍其腸草。華人貴  
其筋鞭。犖笑彼之食惡。彼亦哂犖之不知味也。其國



北邊之界接於淡水之夷南向望洋遠矚呂宋東乃  
滄溟萬里以天為岸流波東逝滔滔不歸潮汐之候  
窮於此矣泉漳間民漁其海者什七薪其嶺者什三  
言語漸同嗜欲漸一唯以雕偽之物欺誘其情異海  
翁之狎鷗等徂公之賦芋疆場喜事之徒爰有郡縣  
彼土之議矣

祭文

先祖父行殯祭文

嗚呼情迫易感願多難寘古今攸歎孰如我愆自我  
祖父奕世休宣篇章為圃仁義為田日營四海志狹

八埏推舟大陸伐輻清漣道高名厄學積身孿迨於  
徂謝日月寢延停櫬正寢寄宅舊廡時虞上漏每懼  
鄰烟自嬰在疚叩心望天奠膺大葬以慰幽玄賈噐  
不售射策再捐貧無瘳日痛曷有痊回風苦雨中心  
恟恟逢朋求賻值俠乞錢南北萬里首尾十年去冬  
云季幽隧始穿壺公山足寶勝巒前廣纒容棺深不  
及泉爰奉祖父及我妣先將謀遷厝于彼冥裕名山  
蘊麗尊靈即阡兆分壤別壟合雲連魂魄相依神理  
共緜虞歌既引旒旒有翩祖載廣庭陳牲清淵靈車  
首路響像臨筵予心如疑予泣潛然嗚乎哀哉



祭余中丞為胡郡公作

星開井絡雲滌銅峰篤生名世為時人宗學府淵劭  
武庫雍容南宮發藻建禮握彤傳呼甚寵班列乃崇  
節臨晉獄屏櫺奠封仁敷繡豸勳茂畫熊蘭臺持憲  
河隴建牙鏑染尸逐鼓釁昆邪月間漢陣風靜胡沙  
金微銘勒紫殿恩加長城是倚上台方憑胡天不弔  
不慙俾屏功臣鼎沒大將星傾懸弓靈幕班馬素旌  
羌戎悲擗塞笛哀鳴題湊既祖介士徂征玉麟寡色  
朱鷺吞聲嗚乎哀哉唯公令子卓爾象賢冰壺徹鑒  
丹筆惠鮮澤深蘭浦化洽閩川哀揚世遠陳郭祉綿  
陽報必復餘慶方延某幸依玉樹秘淑清徽方深矚  
斗忽遘騎箕棟梁崩壞風烟熹微殺函道阻巴漢山  
巖生芻一束蘭藉在錡陳茲絮酒酌向總帷霜寒助  
愴日黯增悲哀哉

又南開府令作

維公祥徵夢虎兆啓非熊三巴領袖一世宗工才經  
夷險道轉汚隆補天有石彈日非弓官河流馬郎署  
躍龍惠文治獄約法為公吏瘠削木囚卧刻桐天收  
虐魃地歇怪蟲迴旂牧異賜履邊戎蕃宣德茂屏翰  
勳崇疇庸列上持憲處中隴坻絳節幕府歌鐘河連



積石山帶崆峒。胡床秉羽。芳樽折衝。陣雲晝卷。邊月  
宵空。胡騎北走。羗賚西通。玉門息柝。青障沉烽。龍樓  
錫命。麟閣圖容。稱為半壁。倚作長壙。若濟需楫。如旱  
資濠。人方閔閔。視天夢夢。將營星隕。台階宿蒙。夏楹  
舍爵。殷階殯宮。黃腸晞露。素旒牽風。塗遙石紐。路貫  
金賓。祈連可象。酒泉不封。三河甲卒。九原石翁。誰題  
碑碣。唯見龍從。某都門結綬。宇下倂幪。芝焚已矣。蕙  
歎無從。秦川直望。隴水分淙。淚墮片石。劍挂孤松。哀  
哉。維公佳胤。共在閩東。星奔萬里。雨泣雙峻。巢鷺室  
入。吊鶴門充。爰馳絮酒。遙酌幽蓬。營魂未沫。響像如

逢

祭謝在杭 胡漳南命作

維師三山。啓秀岐海。流祥少聞。詩禮早抱。珪璋學窮。  
篆素文軼。班揚通都。既播名山。仍藏發藻。燕北執法。  
越東仁施。翦韭神著。刻桐星開。貫索地消。怪蟲浮沉。  
十載疲疢。龜蒙既入。郎署未預。朝樞纔司。武庫回典。  
工虞含香。獨對起草。自娛出菴。河藩晉長。交區流翕。  
酸棗山靖。蒼梧八命。作牧四岳。是居西南。萬里風烟。  
晏如功光。峴碣績紀。昆吾方將。述職未凌。歸翼忽罹。  
霜露奄歸。寔安長勤。隕身盡瘁。事國水曼。閩川塗遙。



江服丹旒有翩轡軒不息哀哉其如學竒觚稍知操  
紙時遇吾師眷以國士覩文擊節聞至倒屣百方獎  
成每言稱美值窮為戚逢通輒喜道我似父視予猶  
子豈獨及門感深知已幸守南閩冀承高旨荏苒至  
今差池若此人之云亡心乎盡傷碑誰立冢室孰居  
場既慙報德尤愧行喪絳帷寂寞玄壑冥茫素車不  
逮綠樹成行隻鷄躬酌下馬瞻望光靈自遠風範逾  
長登以藻脯樽以椒漿悲臨蕙帳慟向幽堂倘鍾平  
素猶冀徜徉

祭林官保胡廉鎮命作

維公甌閩鍾鼎海嶠英靈擣華建禮荷橐承明龍樓  
顧問鶴沼疑丞金匱紉業壁水橫經羽儀四海師表  
群英碧山不負赤烏何營閣靜雲留溪遠霞蒸風流  
獨擅宇量自凝山皆宗岱川盡趨瀛文雅響附翹秀  
景傾優游卒歲嘯咏忘情追鋒忽召納陛延升文昌  
政本禮樂上卿歌追喜起性本忠貞平登槐衮坐論  
穆清陽休岳立玉潤金聲孰能招麾誰得淆澄安昌  
知足疏廣辭榮谿山無恙猿鶴尋盟沆瀣作糧元氣  
為朋意存丘壑世仰儀刑浮休不繫空有俱平達人  
乘化時至則行金鑣排霧絳節入冥來為名世返作



列星其昔瞻風範。驟觀典刑馬蹄所過龍門既登矧  
公賢子作越長城功隆分陝望重樹屏德河潤遠若  
華照并值公云逝履公之庭巢鳩助孝吊鶴通名芝  
焚歎切梁壞悲增敬馳絮酒爰酌幽扃期公精爽俯  
鑒中誠

又為張玄逸將軍作

畢散佐姬表揚輔漢世載明德代資翼贊唯公秀出  
爽葉華貫論思鳩殿高談虎觀日麗磚花風生雲翰  
壁水經橫絳帷道煥為時師表惟公無間旋登端右  
晉領文昌南宮天邃東壁星光典司三禮欽若五常  
斟酌元氣和理陰陽實參帝傳更辨朝章不廢和衷  
獨標正色疾風別草歲寒知柏隨請懸車輒整歸翼  
芝壑草芳靈谿霞碧素瀨清猿新朋舊識授簡文心  
傳杯酒德一代風流攀謝追白鯉庭慶衍熊軾榮奏  
幕府方開袞台行邁伊陟象賢魯公拜後必復其始  
唯天所授如公德素宜萬春秋泰山可仰典刑永留  
唯公聖達深寤淳休帝旁陟降天宮優游謝茲塵壤  
歸彼淨丘其幸依德宇獲邇龍門瞻儀神穆式度玉  
溫德音雖邈風範猶存蕙肴在俎桂酒在樽敬酌總  
幄一寫煩寃



祭沈翁為李司徒作

惟公儲精條岳炳靈駘河梓依橋蔭荆悅枝摩度式  
瓊潤韻協金和風蜚英譽早掇巍科函邨壤舊義渠  
俗訛山連箭括城接水波六條出刺三尺蠲苛承流  
千里褰帷九阿風高綏靖治表謳歌方承紫綵便解  
青縞礪戶岫寢雲幌烟蘿王孫招隱碩人之適春禊  
淥汜秋宴幔坡優游四紀孰知其他鄉稱不二國讓  
番番仁化所及陰德亦多天錫祚胤神畀戢那方期  
黃綺為世丘軻豈圖勝達登撓霧霞桑榆光遽崦嵫  
景斜隙同駟馬歲值龍蛇老成爰謝大耋興嗟其與  
我公代結脩姱譬松與蔦如葛及瓜公居汾晉予跡  
京華道雖云遠情固不遐忽聞徂逝傷如之何關月  
駛鏡朔雪如珂蕙肴在俎絮酒盈犧謹馳一介送之  
滂沱陳詞宿草懸劍寒柯

祭孟津王封君為南詹事作

維公三川挺寶二室資靈芬含紫蕙潤發丹瑛揚休  
岳峙測度淵停置言作範著德為程緜緜結友翰墨  
尋盟麗窮鞏悅博極貳駟聲高逢掖道重西轡位非  
大寶爵乃上真負流產珮方沈毓瓊蔭茲玉樹陋彼  
金籬譬禽觀梓方鯉趨庭少能傳業早已策名搗葉



建禮荷橐承明戶。莊緇藏鳩殿橫。儀閩海網羅。  
俊英群山宗岱。百川歸瀛。青宮羽翼紫禁疑。丞旋登。  
端右晉陟上卿。文昌政本禮樂化成。斟酌元氣表正。  
留京芳訓式稟庭誥。是承恩階。勳錫親霑。子榮寶綸。  
日耀玉璽霞蒸。服華繡黼佩疊。珺珩國爵致貴。素士。  
同貞邦推師表。入凜景行。山水玄對。嘯咏怡情。年催。  
驚隼代迅。流霆南陽。菊盡西鄂。芝零地虧。智石天隕。  
賢星歸神太素。栖魄幽扃。欒欒哲胤。悴悴在笑。悲松。  
半落孝水自清。巢鳩晨叫。吊鶴宵驚。塊席淒結。總帳。  
寒凝。其等幸及宗伯。獲托嚶鳴。牽絲共貫。結綬同升。



